


LOLESHENI KULI YESU

 Ameni. Natotela, George, Becky, na Nkashi Ungren, pali lulya ulwimbo ulusuma! Ico cacine, “Fyonse filacinja lintu Yesu aisa.” Esalilafye imfifi kunse, nokusalanganya u Lubuuto, kabili tuletotela pali ico. Nomba, ilya ni nshita yakwa Becky iyakubalilapo ukulisha mu chalichi pano, lwimbo lumu ulwa panshita, *Lintu Yesu Aishile*.

² Eico tuli abatotela pakuba pano nakabili, muno nshita ya bushiku, kabili uwatotela apakalamba pakwi. . . pakwisa kwenu ukusuma muno lucelo. Kabili nomba munshita ya bushiku, calaba, Ninkwata isambililo ilinono ilyo Ndefwaya ukulandapo, mutushita utunono; lelo ilyo icofye tacilacitwa, Ninkwata ifyakubilisha, ne fintu.

³ Kabili Ndi panono uwasasala. Ndetontonkanya kulanda ukucilapo. Ngefyo nashimikile pa nshita iitali. Lelo lintu Nabula ifi, ora nangu yabili, ama tepu, kabili lintu Nabwela kuno, cena nipamulandu wakutila Ndebika imbila pali tepu ukuya monse mwi sonde. Kabili eico Ndemitotela pakuba abatekanya nganshi pamo naifwe muno lucelo.

⁴ Kabili nomba kuliko ifintu ifinono ifyo Ningafwaya ukulumbula pano pene. Ico cili icakutila, Ine—Ine kuti nafwaya ukwipusha icalichi, pa cintu cakubalilapo, icintu cimo ico Nacita—nacita, kabili Nde—Ndefwaya ukwipusha nga cakutila kuti Nacinja ico munshita ya bushiku. Tatuli. . .

⁵ Nshipanga imilapo pa mwaka uupya. Nomba Naba. . . tufwile twaya ku ng’anda mailo, eico tatwakabe pano pa mwaka uupya, uku. . . lelo tuli nokulamibukisha. Kabili Nincetekela kuli nokuba ukulongana pano, pa bushiku bwa mwaka uupya. Ee, ico nacilungama, ukulongana kwa—kwakumona, nga fintu lyonse bakwata pa bushiku bwa mwaka uupya. Kuti twafwaya ukwikala, lelo tekutifye tubwele mu nshita nomba mu—mukusenda abana ku sukuulu. Kabili umukashi wandi afwile ukucapa ifyakufwala fyabo; mwalishiba ifyo caba.

⁶ Eico Ndefwaya ukutotela cila umo pali imwe pa fintu fyenu ifisuma ifyo mwatucitile ukupita mu Ciminshi minshi. Kabili imwe mwe banakashi mwe baile kulya nokubika ifyakulya mu ng’anda, ne fintu, kuli ifwe, ukutila lintu twafikile kulya, kulya. . . ifintu fyali kale ifyaipikwa kabili fyali ifyapekanishiwa ukulya. Icene cine ndemitotela pali ico. Lekeni Lesa alemipala.

⁷ Kabili ne chalichi, pe tiketi lyabo ilinono, ilyakutila kuti Naisa pano kabili—kabili nasenda ifyakufwala fimo nga cakutila Nalefifwaya, ukusenda insuti. Balampela insuti cila mwaka. Kabili naba cibusa bandi abaluse bampelefyeye insuti. Eico Ndetontonkanya, nga cakutila cili icalungama, Ndekabila ifintu

fimbi nga amashati notwakubika mukati ka mashati, nefintu, Kuti nafwaya ukusenda ulupiya kulya mucakutila nga cakutila cena cilifye icalungama ne chalichi. Ndekabila ico icawamisha ukucila Ine . . . icabipisha ukucila paco Ine ncita ku nsuti, palya pene pa nshita iyalungama.

⁸ Kabili nomba, uyu umulumendo umwaice uyu uwacitwimbilako, Munyina George Smith, ukufuma ku Tucson, tulayako ku chalichi cabo kulya kwine, ichalichi ca Baptisti ica Cipangano Cipyu. Wishi wakwe ni minshoni. Ndetontonkanya akwata ama chalichi cine lubali kulya ku Old Mexico. Kabili kulya kwaliba abantu icine cine abasuma. Kabili ba wishi bakwe na banyina, na bonse pamo, bantu abasuma. Kabili George muntu umulumendo umo umusuma. Ndifye uwabulanda ukutila tacitupela icebo ca bunte ilyo talati ekaleko, ukupususha kwa kusenamina ukwakwa Kristu mu mweo wakwe.

⁹ Kabili nomba, i—i Mbila, Nalaile pano tapapitile inshita iitali, ukutila i Mbila, ilyo Nshilati imfume ukuya mukulongana, Ndi nokubwela pano nokwisa bakopa pali tepu mukubalilapo kabili nomba nokufuma ukuya. Ico cali nipamulandu wakubika abantu pama tepu. Nomba kuti Naisa pano nokubika i Mbila pali tepu, kabili nomba nokufuma ukuya nokuya Ishimikila. Ico cili nokupela abantu inshita, kuli—kuli bakapanga bama tepu, ukupanga tepu kabili nokuisenda pamo naifwe lintu twaleya. Nomba Ndepekanya ukufuma ukuya pa bulendo ubukalamba ubwa kusabankanya imbila nsuma, eico Nshi—Nshili nokuba uwingacita ico ukufuma nomba ukuya ku ntanshi, mwamona, kabili naumo uuli nokusenda ba tepu afwilefye ayasenda ilyo tuleya.

¹⁰ Kabili Ndetontonkanya, panuma yafyonse, bushe tabali nokukwata ukulongana pama tepu uno mulungu? Nangu, icintu cimo nangu fimbi ifilipo, icintu cimo palwa ma tepu uno mulungu. Nangu cibe ifyo, Ndetontonkanya Munyina Sothmann ali pano, kabili aleiminako Munyina Maguire. Nshishibe nga cakutila ali pano nangu iyo. Ndetontonkanya Munyina Fred ali pano. Umuntu umo acitila aciba pano. Kabili ena . . . Ndetontonkanya nabakwata ukulongana uno mulungu, limbi mailo mu bushiku, nangu inshita imo, palwa ma tepu. Twalelanda palwa ico ubushiku bumbi ubwafuminepo, mu muputule mulya. Ndetontonkanya inshita yapwa pa cintu cimo, ukutila bafwile basenda nokupanga ifyakutantika palwa ico.

¹¹ Eico, ukufuma nomba ukuya ku ntanshi, Ine limbi ndi nokulalandafye I Mbila isho Nshatala ikatapo pano pe hema, ukufuma mulya mukulongana.

¹² Kabili nomba Ninkwata, ndefwaya ukutotela Lesa pali bulya ubunte ubwakwa Munyina Blair. Cilemoneka ukuba ni ulya Munyina na Nkashi Blair abekele pano muno bushiku, abekele pano ku cinso cesu, umo ulya uwakwete umulumendo

umunono. Kabili Ndeibukisha lintu Shikulu anjebele, lintu ali. . . Munyina Blair, ninshi napwa, alelila. Kabili umulumendo wakwe umunono akwete ukupunkwa pa cinso *ngefi*, pali motoka iya pilibwike, kabili cali icabipa nganshi. Lelo ilyo Ine na—nalepepa, Namwene umulumendo munono alifye bwino. Kabili Munyina Blair, ifyo fine, anjipwishe, atile, “Munyina Branham, bushe ici EFYA SOSA SHIKULU?”

Natile, “Munyina Blair, Blair, cena cili EFYA SOSA SHIKULU.”

¹³ Kabili Munyina Blair ali pano muno bushiku. Kabili tuli icine cine abatotela ukukwata Munyina Blair pamo naifwe. Kabili aliba uwakucula pamo no—nobwafya bunono ubwakusakamana nomwenso. Kabili Satana alimupela ukunkalipila ukukalamba, pano tapapitile inshita, ukwasha ukumulenga ukukana nctekela. Kabili ilyo Satana alecita ico, Shikulu aishile palya pene nokusokolola ico kuli ena; kabili nokumweba palwa ico, ukuciputulakofye ilyo inshita tailaisa iya ici. Kabili Munyina Blair muntu umusuma. Kabili Ndefwaya imwe uku mwibukisha. Cili kwati naiminina pakati ka matontonkanyo pa cakucita. Ena teshibefye ifya kupilibuka. Kabili Nincetekela, Munyina Blair, ukutila Lesa. . . Iwe uli mubomfi umukalamba uwakwa Kristu, kabili Nakukwatila ifintu ifingi ifyakuti iwe ucite, pantu Lubuuto luleya luleshima. Bushe waciba pano muno lucelo? Uh-huh. Ukuba, ico cisuma nganshi.

¹⁴ Nomba—nomba, Ninsubila, inshita iikakonkapo ilyo Nkesa mukukumona, limbi kukupwa kwa Mumpepo, panono. Kabili ukukonka na ilya inshita, limbi tuli nokwishiba nga cakutila uli nokukwata uku—ukulongana, nangu iyo, pano pa Jeffersonville, muku iyi inshita Mfwile naba ku Norway kabili nakufyalo fyaku Scandinavia. Nomba ilyo tatulabula isambililo. . .

¹⁵ Pantu, natukwata umulongo wamapepo uwalaisa, kabili nabengi nabeminina mu miputule nokushinguluka ifibumba, nefyaba ngefyo, kabili Ninjishiba, imwe, cintu cakosa nganshi pali imwe. Kabili Naciminina, imiku iingi, palwandi neka. Kabili Nacisa pita, akashita akanono akapitapo, ukuleta umukashi ukwisa, Nacimona abantu abaciba pa fiibi. Kabili Nacitontonkanya ukutila, “Nani uutila i Mbila nsuma icili tailakwata icitinto ukutinta ifintu filya ifyabamo mwi sonde?” Icline cine efyo caba. Cena, Cicebula abo abakwata ukusekela muli Ena. Abo abashili abasekelamo, ifyo fine, bena tabacita. Bena, Cena tekuti cibe. Lelo, Yesu, “Nga cakutila Ine,” natile, “nga cakutila Nasumbulwa pa muulu ukufuma pe sonde, Ndi nokuleta abantu bonse kuli Ine.” Ico cili ica cine!

¹⁶ Kabili lintu Nafika pano, palifye ifingi ifyakulanda, kabili Ine ndifye uwakulemba ifyo Nalaya landa pano, pakashita

akanono. Nangu Ine. . . Kwaliba ifingi ifyakulanda, kuti walaba nefyo walalanda.

¹⁷ Nomba, Ningumfwa ukutila ba wishi bakwa Munyina Ungren bacibatishiwa muno lucelo, mwi Shina lyakwa Yesu Kristu. Kabili nga cakutila Nkashi Ungren na bonse bali pano, Ndi uwashininkisha ukutila cintu icikalamba kuli bena, pantu ico caliba lipepo lyabo ilyakuitwalilila pa myaka iingi. Kabili Munyina Ungren, konse uko uli, Lesa akupale nganshi, munyine.

¹⁸ Kabili ico nga tacili icalungama, Lesa mundeke nkasukilepo pali ico pa Bushiku ubwa Bupingushi. Mwamona? Ninjishiba ukutila nacilungama. Ndi—Ndi nokupoka ukupelwa imilandu pali ico. Ico nacilungama bwino bwino, pantu cena e Cine.

Mwatila, “Bushe cilepangapo ubupusano ubuli bonse?”

¹⁹ Calipangile kuli Paulo. Baipwishe umusango unu babatishiwilemo. Batile bena kale balibatishiwe na Yohane, umuntu ulya uwabatishe Yesu. Paulo atile bena babwelele nokubatishiwa nakabili, mwi Shina lyakwa “Yesu Kristu.” Kabili takuli umuntu umo muli Baibele uwatalile abatishiwa mwi Shina lyakwa “Taata, Mwana, na Mupashi wa Mushilo.”

²⁰ Takwali umuntu uwa batishiwe ngefyo mpaka ukwampanya kwapamo ukwa chalichi ca Katolika palya pa Lao-. . . Lao-Nicaea, La-Nicene Council palya pa Lao-Nicaea, mu Rome. Apo epo umuntu wakubalilapo abatishiwe, ukubomfya amashina.

²¹ Umuntu alandile kuli ine ubushiku bumbi. Natile, “Ukuba, nga cakutila. . . ‘Shikulu Yesu,’ ilyo e Shina Lyakwe.” Atile. . . “Ukuba,” Natile, “nga cakutila umuntu aisa kuli iwe. . .”

Atile, “Nshiletontonkanya ukutila cilepangapo ubulekano ubuli bonse.”

²² Namwiketefye mwisambililo lyakwe. Natile, “Nga cakutila umuntu aisa kuli iwe nokutila, ‘Nalibatishiwa mwi Shina lye Luba lyaku Sharoni, Itunda lyamu Mupoka poka, kabili u Lutanda lwamu Lucelo,’ bushe kuti watila ‘ameni’ kuti ico?”

Atile, “Iyo, mukwai.”

Natile, “Nimumusango nshi iwe wingaba. . . Bushe kuti wamubatisha cipya cipya?”

Atile, “Ee, mukwai.”

Natile, “Bushe kuti wamubatisha munshila nshi?”

Atile, “Kuti na mubatisha mwi Shina lyakwa ‘Taata, Mwana, na Mupashi wa Mushilo.’”

²³ Kabili Natile, “Iyoine e nshila Ninga mubatishishamo, ee, mwi Shina lyakwa Taata, Mwana, na Mupashi wa Mushilo.” Natile, “Nomba, ‘luba lya Sharoni, Itunda lyamu Mupoka poka, kabili u Lutanda lwa Lucelo’ te shina.”

Atile, “Ico nacilungama. Cena lishina.”

24 Natile, “Ifyo fine efyaba ‘Taata, Mwana, na Mupashi wa Mushilo.’ Nomba Ndi noku mubatisha mwi Shina lyakwa Taata, Mwana, na Mupashi wa Mushilo; kabili i Shina ilyakwa Taata, Mwana, na Mupashi wa Mushilo ni ‘Shikulu Yesu Kristu.’ Bwino bwino fyeye. Eico Ndetila. . .” Kabili amwene ico, cetekela, nagula iyo.

25 Cali ni Munyina Joseph Mattsson-Boze, ukufuma ku Chicago, umuntu uwakosesha untu Natala ukutobaula, pamo nacena. Kabili Ndesubila Nalikwata pali yatatu nangu amakana yane abekashi abakubatishiwa nomba, lintu Nkaya mu Africa pamo naena, kabili ukubatishiwa nakabili.

26 Nomba, eico tuli abatotela pa Lubuuto lwa Mbila nsuma. Kabili eico nomba, Yesu atile, lintu Aali pano pe sonde, “Ine, ico Naumfwa, eco Nanda.” Kabili nomba Nalalanda. . . pa calakonkapofye icesu, palwa ma mineti ikumi, nangu ikumi limo naisano, ilyofye Nshilabula isambililo lyandi, kabili lisambililo ilipi, kabili nomba twalakwata umulongo waba kupepela. Ninjisa ku ncende mubupyungishi bwandi, ukufika apo Ndi. . . Ine mfwile uku—ukulandapo icintu cimo. Kabili Ine. . .

27 Yesu ewalandile ico. Ukutula ico Aumfwile, ico eco Alandile. Kabili Atile, “Namitile bacibusa Bandi, kabili cibusa aleeba cibusa wakwe ifintu fyonse.”

28 Paulo atile, mu Milimo ya Batumwa 20:27, “Nshafilwa ukulanda kuli imwe Ukupanda amano konse ukwakwa Lesa.” Mwamona?

29 Kabili lekeni Njingilemo, muno nshita ya bushiku, nokulanda icintu cimo cine pamo nacilya ica washila umukalamba uwakale. Kukwishiba kwandi ukusuma, Nshatala. . . Nshatala ntina, lelo nalilanda kuli imwe Ukupanda kwa mano konse ukwakwa Lesa.

30 Umo alelisha imo pali ba tepu, ubushiku bumbi. Kabili apofye calengele umu ukufulwa, balibapikile ukupitila pe windo, nomwanakashi acenenwe.

31 Eico limbi ubushiku bumo Nkesalila ubunte bwandi. Lelo lintu ilya inshita yaisa kabili ili. . . Ndi uwaipekanya ukuya. Mpaka inshita yandi yaisa, tapali nangu cimo icili nokuncena mpaka ukufika pali ilya inshita. Mwamona?

32 Nomba, twacetekela mu Mbila nsuma imoine, umusango fye Baibele yalembelwamo. Yena yabwelela apabula nangu cimo. Kabili—kabili nga cakutula imfuti naibweshiwa pa zero bwino bwino, kabili iyabikwa bwino; nga cakutula yayauma pa cakumapo umuku wakubalilapo, cena cili nokumapo umuku walenga bubili, kabili ne nshita yonse.

33 Nge cakutula icimuti, nangu icipandwa, ca mwangashi, cafumyako umusambo kabili naulya umusambo watwala

icisabo cimo; inshita yakonkapo iyo—iyo umwangashi ukafumya umusambo, wena uli nokutwala umusango umo wine uwacisabo.

³⁴ Kabili nga cakutila Yesu e Mwangashi, kabili naifwe tuli misambo; kabili u Musambo wakubalilapo, i Chalichi, ukuti ulya u Mwangashi baufumyapo, balembele i Buuku Iya Milimo ya Batumwa kunuma ya ciko. Kabili ulya u Musambo wakubalilapo ukubatishiwa mwi Shina ilyakwa Yesu Kristu. Kabili bakwete Lesa uwa mweo pakati kabo, ico icacitile icintu cimo cine pakati kabo kuli abo Acitileko lintu Ali pe sonde. Eico, abantu baliloleshe ukumona fyena, nangula ukukana ishiba kabili nokukana sambilila, uko bakwete pamo na Yesu, pantu u Mweo Wakwe wapitile muli bena.

³⁵ Nga fintu Nalanda, nga cakutila Nalikwata umupashi uwakwa—uwakwa Beethoven muli ine, Ine kuti nalemba inyimbo. Nga cakutila Bet-...nga Ine...Nga cakutila Beethoven aikala muli ine, kuti Naba Beethoven. Mwamona?

³⁶ Nga cakutila Shakespeare aikele muli ine, kuti Naba Shakespeare. Ine—Ine kuti nalemba imishikakulo, kabili—kabili—kabili nefyangalo, nefyaba ngefyo, nga cakutila Shakespeare aikala muli ine.

³⁷ Kabili nga cakutila Kristu aikala muli ine, imilimo yakwa Kristu imwe muli nokucita. Icalungama. Cifwile caba. Kabili Kristu ninani? I Cebo. Atile, “Nga cakutila iwe waikala muli Ine, ne Cebo Candi muli iwe, nomba wipushe conse ico ulefwaya; cena cili nokucitwa.” Pantu, i Cebo epo caba palya, cilekabilafye u Lubuuto; kabili no Lubuuto elupanga Cena ukuba icamweo.

³⁸ Eico nomba Nalalanda icintu cimo kuli imwe, nomba, ico Ine nshalandapo pa nshita iitali. Kabili, ico cili, e cintu ico tukabila ukumona panshita iitali nganshi (pamyaka iingi, imyaka ine nangula isano, nangu ukulepapo ukucilapo), Icitinto calenga Butatu, nomba calisokololwa, kabili Ndi uwashininkisha namwishiba ifyo caba.

³⁹ Nomba ibukisheni, takwakatale akuba ukuipashanya ukwa ico, pantu cena tekuti cibe, mwamona, tekuti cibe. Nomba cena apa tacabako. Kabili Ine ninkwata...Ine balinsoka pali ici, ukutula nombaline...Pali inoine inshita nomba elyofye cacitike, eico cena kuti calangisha ukubapo kwaciko pakati kenu, mwamona, lelo cena tacili ukubomfeshiwa munshila iikalamba mpaka aka Akabungwe kakupanda amano katampa ukulakaka. Kabili lintu cena cacita, lintu ico cacita...Ba Pentecosti, nefyaba ngefyo, nabena kuti bapashanya icili conse icingacitwa. Lelo lintu ilya inshita yafika, ifyo icakufenekesha cafika, nomba imwe muli nokumona, pali cilya mwamona panshita iinono, caba icasokololwa mumwisulo wa maka ya ciko. Mwamona? Mwamona? Mwamona? Mwamona?

⁴⁰ Nomba Mfwile natwalililapo ukusabankanya imbila nsuma. Pamofye ngefyo Napelwe umulimo, mukubalilapo, Mfwile

natwalilila. Eico, imwe mwalikwata i Cebo, kabili mwalishiba necakuloleshapo, nefyakwiminina. Mfwile natwalililapo mukusabankanya imbila nsuma. Kabili, mwe fibusa fyandi, mwiminine shilili, kabili imwe kutwalililapofye ukuya muleenda kuntanshi, pantu inshita ileisa ilepalamina mukwangufyanya, mwamona, ukutila lintu icintu cimo cili nokucitwa.

⁴¹ Nomba, imwe limbi kuti mwamona ifintu fimo ifinono ifyeni fyacitika pali ine. Tapali nangu cimo icalubembu; Nshilepilibula ico. Lelo, Ndepilibula, icintu cimo iceni kuli cilya icicitika lyonse. Pantu, apo Mfikile nomba, mu bupyungishi, Ndebwelela kunuma pano, ukumona pali ilya ncende kabili nokulolela panshita yakubomfya ico. Lelo, cena cili nokubomfeshiwa.

⁴² Kabili no muntu onse naishiba ico, pantu, nga fintu icine cine Icakubalilapo caishibikwe, eico neca Bubili cileishibikwa. Kabili nga cakutila imwe kuti mwatontonkanya mucituntulu ukupalamina, imwe mweba bumupashi. Nga fintu Baibele yatila, “Pano cili kuli ena uyo uwakwata amano.” Ica Butatu limbi kuti caishibikwa. Mwamona? Twalishiba apo caba. Eico, Icitinto ca Butatu cili pano.

⁴³ Cena camushilo nganshi, icakutila, Ine tekuti nandepo ifingi palwa ico. Nga fintu Anjebele ku kutendeka, atile, “Ici, taufwile ukulandapo icintu nangu cimo.” Muleibukisha ico, imyaka iyapitapo? Cena cileilandila palwaciko. Mwamona? Lelo imwe... Nalyesha ukulondolola filya fimbi, kabili Napangile icilubo. Ici ecili nokuba icintu, ico, mu mano yandi... Nshilanda ukutila Shikulu alanjeba ici. Ici e cintu icili nokutampa icicetekelo Cakusumbulwa, ukusumbulwa ukusendwa. Mwamona? Mwamona? Kabili cili... .

⁴⁴ Mfwile naikala tondolo pakashitafye akanono. Nomba ibukisheni, kabili na onse uulekutika kuli iyi tepu, imwe kuti mwamonapo ukucinja kwaifyo mubupyungishi bwandi apo penefye, kulebwelela pesamba, takuleya pamuulu; kulebwelela pesamba. Ifwe tuli pa nkulo nomba, kabili tekuti cibe, tekuti ciye apatali. Tufwile twalolelako pali minetifye mpaka ici cacitika *pano* pene, ukusanga, nomba ilya inshita yaisa. Lelo, cena cilamonwa bwino bwino.

⁴⁵ Kuleisa inshita pali, muli ici icalo, uko ici calo cili nokucita fyonse ifyamaka ico iciswango cakwete kale, ico icali ni Rome umusenshi ilyo caishileba Rome wakwa papa, mwamona, ukutila ici icalo cili nokucita ico.

⁴⁶ Ukusokolola 13 yalilondolola ico pambilibili. “Umwana wa mpaanga afumine mu mushili. Iciswango cimbi caishile ukufuma mu menshi,” ukufula kabili ubwingi bwa bantu. Uyu umwana wa mpaanga aishile palya apashali abantu. Umwana wa mpaanga cileimininako bu kapepa. Umwana wa mpaanga uwakwa Lesa... . Kabili, ibukisheni, cena calandile kwati mwana wa mpaanga. Cena cali mwana wa mpaanga.

47 Kabili nomba, panuma yakashita, cena cali- . . . capokelele amaka, kabili calandile kwati cing'wenda; kabili nokucita fyonse ifya—ifya cing'wena, ukupela icing'wena amaka yantu cakwete ku cinso cakwe. Kabili *icing'wena* ni “Rome,” lyonse. Bushe tamulemona? Icilonganino caci Roma; “ululembo,” ifilonganino fyaba Protestanti; “icipasho caku ciswango,” ukupanga amaka ayo ayali nokupatikisha bonse ba Protestanti, kwati kwisa pamo. Imwe mufwile mwaba muli ici Icisisaka cama Chalichi, nga teifyo imwe tamwakakwate isenge. Nangu uku—uku . . .

48 Ukuba, cena—cena kucicita muli ilya inshita nomba. Tekuti uye ku chalichi nokushimikila kano wakwata icitupa ce senge nangu icakwishibikilwako cimo. Kabili nomba, pa bantu ababa nga ifwe palwesu, ifwe tuli nokuputulwamo ukufuma muli ifyo fyonse, capamo, ico cilifye bwino bwino, pantu bena tabakabe abakucita ico.

49 Cena cileya cilekakwa. Kabili nomba lintu ilya inshita yaisa, kabili na bakalemba baisa pa ncende apo bamititikisha bamifumya, nomba moneni ifyo Ndepekanya ukumyeba muli bamineti abanonono. Moneni pa Citinto ca Butatau nomba, mwamona, kabili ico cikaba icapwililika kuli balya abaluba bonse, lelo cena—cena cili nokuba kuli Nabwinga ne Chalichi.

50 Nomba natupalamina mupepi nganshi ukucila ifyo calemoneka ukuba. Nshishibe ni lisa, lelo cena cituntulu, nacipalamina mupepi nganshi. Ine limbi kuti nakula icintamba ica muntu umbi ukwisamo. Ine limbi kuti nasendwa ilyo ilya inshita yailafika. Nshishibe. Kabili na ilya inshita limbi kuti yaba ni uyu umulungu uleisa, ukutila Mupashi wa Mushilo ali nokwisa pamo . . . nokuleta Kristu Yesu. Limbi kuti aisa muli uyu umulungu ukakonkapo. Ena limbi kuti aisa cibe muli ino inshita ya bushiku. Nshishibe ilyo Ali nokwisa. Tatweba ifyo.

51 Lelo Nincetekela, ukutila tulifye mupepi nganshi, ukutila Nshakafwe nobukote bwandi. Cibe, pa myaka amakumi yasano naine iyakufyalwa, Nshakafwe kukukota, mpaka Ena aisa pano. Mwamona? Kano ba Ndasas imfuti, naipaiwa, nangu icintu cimo cimbi, ukwipaiwa munshila imo, ukukota tekuti kunjipaye, mpaka Ena aisa. Kabili Nalicetekela ico.

52 Kabili Ndefwaya ukulanda ici. Nshatala cilandapo kunuma. Lelo umwabela Amalembo, umwabela ico Alandile imyaka amakumi yatatu iyapitapo; imyaka amakumi yatatu na itatu iyapitapo kulya kumumana kulya, mu 1933, ukuba; paco Alandile, ifintu fyonse fyalicitikafye bwino bwino. Ine limbi tekuti ncice ico, lelo iyi Mbila ili nokulangisha Yesu Kristu kwi sonde. Pantu, “Nga fintu Yohane Kabatisha bamutumine ukutangilila kwakubalilapo ukwa kwisa, ifyo fine efyaba ne Mbila iya kutangilila u Kwisa kwacibili kwakwe.” Kabili Yohane atile, “Moneni u Mwana wa mpaanga wakwa Lesa uyo uulesenda

ulubembu lwape sonde.” Mwamona? Eico, cena, kuti caba kwati kwendela mukulingana na cena munshila iili yonse. Kabili Ninjishiba cili nokuba, i Mbila ili nokutwalililapo.

⁵³ Nomba, kwaliba ifintu fimo ifikalamba ifyacitika pakuya munshila. Muno lucelo Nacikwata ukwasuka amepusho mu muputule pano. Kabili u—umuntu umwaice, uweshina lya Autry, ena limbi acili pano muno bushiku. Afuma ku San Antonio, Texas. Acisa mukwipusha nga cakutila...lintu twaleya ku Dallas, twafumine ku California; nga cakutila twaimininapo ubushiku bumo pe hema lyabo, pa bushikufye bumo. Kabili balekabila ico, mu bushiku bwakonkapo nangu shibili, ukumona nga cakutila kuti twacita ico. Kabili acilanjeba palwa... Nshatala njako ku San Antonio ukutula pali kulya ukulongana kwakubalilapo.

⁵⁴ Nomba, ukulongana kwakubalilapo, lintu Naishile ku San Antonio. Naliko kulya, Ndetontonkanya, pamo na Munyina Coote kabili naba—kabili naba International Bible School. Kabili Nindaba icikulwa cikalamba ico twakwatilemo ukulongana. Kabili limbi cali bushiku bwandi ubwakubalilapo nangu ubushiku bwacibili, Ndetontonkanya ubushiku bwakubalilapo, lintu Naleenda ukuya ku cintamba, umuntu umo aiminineko mucikulwa, kulya kunuma, kabili alandile mu ndimi, kwati ni—ni mfuti ikonkanya ukulila. Kabili ena aikelekofye, pakashitafye akanono nangu tubili, mpaka umo uwaiminineko pa cintamba nokupela ukupilibula.

⁵⁵ Kabili Naiminineko, paco alandile. Kabili Naebele muntu ukutula, “Bushe walimwishiba *uyu* muntu?”

Atile, “Iyo, mukwai.” Kabili atile...

Natile, “Nimu musango nshi wacishilamo pano?”

⁵⁶ Acitila, “Abantu abo Mbombako, baciba pano...mu bushiku, kabili bacindeta.” Ena ni...ali ni kensha waba kabalwe.

Kabili Natile, “Cinshi ico *u* cita?” Atile...“Bushe walimwishiba?”

⁵⁷ Atile, “Iyo, mukwai. Nshatala mumonapo.”

⁵⁸ Kabili Natile, “Cinshi waba?” Kabili aali wamakwebo mu—mu musumba.

⁵⁹ Kabili ifyo balandile mu—mu...Nomba, Ine lyonse ndaba, ilyo Nshilasambilila bwino, Nshasuminisheko panono pakulandila mu ndimi; Natontonkenye ukutula ifingi muli kwena fya kumubili, kabili limbi kuti caba. Lelo lintu ici calandilwe, ulya kapilibula aali bwino bwino fye pali cilya Malaika wakwa Shikulu alaandile kulya ku mumana, imyaka ikumi limo na umo ilyo ico tacilacitika, “Nga filya Yohane Kabatisha atuminwe ukutangilila ukwisa kwakubalilapo ukwakwa Kristu, iwe watumwa ukutangilila ukwisa kwa cibili.” Mwamona?

⁶⁰ Kabili palya efyo cali, lintu ulya Malaika, lulya u Lubuuto lulya ulwaishibikwa bwino bwino. Fyonse fibili ku chalichi, naku Cebo, nakuli sayansi, kabili ne fintu fyonse, balicishiba ico. Lulya u Lubuuto, Lwena pa muku wakubalilapo ukwaluko ukumoneka ku cintu bwingi, ukwimininafye bwino apo Nali; ninshi cali muma tuu koloko ya cungulo, pesamba lyabulalo palya pene, ukwisa pano pene pesamba lya Spring Street, mu menshi. Nomba, ico cali imyaka iingi, iingi iyapitapo. Kabili bwino bwino fye ifyo Calandile calisa fikilishiwa, ukufikapofye pa cinshika.

⁶¹ Uyu munyina pano acilanjeba, muno lucelo. Aupile umukashana ukufuma mu chalichi pano, mwana umwanakashi uwakwa Nkashi Noyes. Kabili Nshishibe, Ndeingililamo uyu umuntu umulumendo... Bushe uli pano, Munyina Autry? Nshishibe. Afumine ku San Antonio. Nshishibe nga cakutila ali pano nangu iyo. Aciba pano muno lucelo. Kabili acilanjeba. Nincetekela cali niba wishikulu, munshita yakulongana kulya, alekwata cipimputu mu mweo wakwe onse, kabili aletelwe kulya.

⁶² Uko ekwali Ukubalilapo, ukwa kutendeka kwa bupyungishi, lintu Catile cena, kabili nokulingulula, kwali ukubika amaboko yabo pa yandi, kabili neco icaciba nokulandwa cali nokuba filya cali. Kabili Nalimyebele, nabengi ninte muno nshita ya bushiku, ukutila cili nokwisa fikilishiwa icakutila Ndi nokwishiba filya fine ifyankama ifya mumitima yabo. Muleibukisha ico, ilyo tacilati cicitike? Palwa myaka isano nangu mutanda ku ntanshi, kabili ico icacitike; mulya mu Canada, pamuku wakubalilapo, kabili ico cacitike. Nomba Atile, “Nga cakutila watwalilila ukuba uwacishinka, cena cili nokutwalililapofye ukulaya.” Kabili nomba icintu ca Butatu nacicitika, mwamona, cenafye ukulatwalililapo ukwenda.

⁶³ Kabili acitila wishu wakwe balimuletele mu mulongo, nokwebwa pali uyu cipumputu, nefyaba ngefyo, nepepo lyapepelwe pali ena. Kabili ico cali imyaka ikumi limo na mutanda iyapitapo, Ndetontokanya efyo cali, palwa myaka ikumi na mutanda nangu ikumi limo na cine konse konse iyapitapo. Kabili acitila tatala akwatapo icakuifubaula ca ico ukutula palya. Kabili ali mupepi ne myaka amakumi cine konse konse naisano, kabili tatala kwatapo cilya icakumwikata ukutula apo. Cinshi ico? “ni Yesu Kristu uwaba cimo cine mailo, ileelo, no muyayaya.”

⁶⁴ Bushe Margie Morgan ali mucikulwa? Nkashi Margie Morgan, namayo ulya balile kwipwalonda; kasunga wabalwele. Nibanga abaleibukisha Nkashi Morgan? Nga cakutila ena ali muno, teti engile mukati. Alesunga abalwele. Mwamona, pabatantikwa abepwalonda mu Louisville, umwanakashi alifwile palwa myaka ikumi na mutanda, ikumi limo na

cine konse konse, pali balya abatanikwe abepwalonda mu Louisville.

⁶⁵ Lintu Jim Tom Robertson, umukalamba kapingula, kapingula umwina Kristu, aumfwile palwa ico, aile ku Cipatala ca Baptisti, aile mukufwailisha nokumona nga cakutula cali icalungama, pantu wishi wakwe aba mwibumba lya bakalamba, untu wacetekelwa pa Cipatala ca Baptisti. Kabili bafwaile umulandu, kabili no mwanakashi aali nokufwa, pa myaka yapitapo. Kabili alesunga abalwele pano pa Jeffersonville, mu cipatala. Lintu aiminine pano pene, lintu bamwikatilile ukumwimya, taali na mumano yakwe. Lelo cali EFYA SOSA SHIKULU, kabili ali no mweo. Aile mukusambilila ifyakusunga abalwele, mu Louisville.

⁶⁶ Kabili umuntu pano, pa ncende yakwa Schimpff's Candy. Bushe Mista Schimpff ali pano muno lucelo? Ndefwaya ena alande ico, nga cakutula ena ali pano. Sonny Schimpff, umuntu umukalamba uwa bumi ubusuma. Imiku iingi lintu Nale. . .

⁶⁷ Nalipata ukulanda ici, lelo cena e cine. Ba taata balempela akalupiya akanono nga cakutula Nabomba umulungu onse, kabili Naleisa mumusumba nokubika incinga yandi pa ncende yakwa Munyina Mike Egan, umo paba cetekelwa pano. Pamo na Jimmy Poole, Ndetontokanya umwana wakwe ali pano ino nshita ya bushiku; Jim na Ine, na Earnest Fisher, kabili twaleya mu musumba, nokuya kulya balangisha ifikope pali nickel imo, kabili twalemona ifikope filya ifyakale. Lintu ifwe twali utwaice, kabili twalefwaya ukucita, palwa myaka cine konse konse, ikumi iyakufyalwa. Twakwete ulya William S. Hart. Imwe mwebengi mwebantu tamulemwibukisha, nikangala wafisela uwa kale. Califye fikope; kabili Nalefilwa ukubelenga. Nalemonafye filya ifyalecitika. Kabili conse calesalanganina konse, kabili Nalefilwa ukukwanisha, lelo Nalemona ifyo alecita.

⁶⁸ Kabili Nalikwete nickel naimbi. Kabili nibanga baleibukisha ukushita amenshi makasa umwabikwa umukaka nensukale ya koni iya kabili imo? Nacilungamna. Nalekwata ama koni ya menshi makasa yatatu, namakobili yabili ayafikile pakushita amaswiti. Nalefilwa ukwikata koni ya menshi makasa, eico pakutula Ningalya yena. Nokumpela amakobili yabili ayafikile pa maswiti, yena kuti yaba mupepi na citika uwa paundi uwa filya fintu. Kabili Schimpff's ewalepanga yena. Kabili Naleywa mulya, nokwikalako nokulamona William S. Hart.

⁶⁹ Kabili uyu umuntu umwaice, mukalambako panono pali Ine, apuminwe no bulwele, icakutula abakanshiwa basano abaishibikwa mu Louisville bamupishishe, afinine kwati amapaundi amakumi yane na yasano, kabili alefwa. Misisi Morgan ewalemusunga. Kabili ali mumibele yaba filya! Akwete

ifintu ifingi nganshi; bapwapwa bakwe balipwile, umukolomino wakwe walipwile. Amaboko yakwe ayanono ukufika *palya* ukushinguluka, kabili alele palya, alefwa.

⁷⁰ Kabili Misisi Morgan bamupele icinto ukwisa bomba. Eico atile, “Ine panshita imo nali umulwele wepwalonda,” kabili natampile ukumweba.

⁷¹ Atile, “Ninani ulelandapo, Billy Branham? Mulandu nshi,” atile, “Nalimushitisha ama switi ayengi nama koni ya menshi makasa umwaba umukaka nensukale.” Atile, “Ndetontonkanya bushe tekuti ese ampepeleko?” Kabili Naile kulya nokumupepelako Junie Schimpff.

⁷² Kabili nga mulefwaya ukulanda na ena, nipa Schimpff’s Candy pano, pa ciibifye icakonkapo, nangu iciibi cabubili ukufuma pa LeRose Theatre, ukuya mu musebo. Schimpff’s Candy, imwe bonse pano mwalishibapo apo. Owe, cena ni cimo icakale icalimbwa mu Jeffersonville.

⁷³ Kabili ilyo alele palya, alefwa, nabakanshiwa bwino basano bamupelefyeye ama ora yanono ayakuba no mweo. Cali EFYA SOSA SHIKULU, “Iwe tawafwe; lelo uli nokunshitisha nakabili switi, palya apakushitila.” Panshita iitali. . .

⁷⁴ Ninjishiba alipolele, lelo panshita intali Nalilaba palwa ico. Kabili umukashi wandi na Ine twaleya pesamba mukushita amaswiti, lintu twaishile pano pa Ciminshi minshi. Kabili nefyo, Nshishibe, ukutila ifwe tatwatontonkenye palwa Schimpff. Pantu, ilingi line, ndaya pano mumo umu bashitisha imiti nokubula wena, lelo twaiminine kuntanishi ya Schimpff’s.

⁷⁵ Lintu Naingile mukati, nkashi yakwe aloleshe, kabili atile, “Ukuba, Munyina Branham.” Atile, “Ulemwibukisha Junie?”

⁷⁶ Natile, “Ee.” Kabili palya pali, umukalamba uwapamfuka, uwamaka, umuntu uwalemoneka uwa bumi.

⁷⁷ Kabili Naile palya bashitishisha nalolesha pali ico, camoneke kwati *ngeci*. Natile, “Nalashita paundi wayalya ama switi.”

⁷⁸ Kabili atile, “Ee, mukwai.” Eico, nkashi yakwe alelolela pa mukashi wandi. Kabili, eico, ayafumishe kunse.

⁷⁹ Kabili Natile, “Nalelya yena, inshita iikalamba iyapitapo, muno mwine umwakulangisha ifikope”; nakonteke umutwe wandi panshi.

Kabili atile, “Ee,” atile, “abengi abaice balashita ayo.” “Bacili balashita,” Natile.

Atile, “Ba taata wandi ebapanga ayo, ebapangile neyo ishila yakupangilamo.” Natile, “Ine icine cine naliyatemwa.”

⁸⁰ Nomba, panuma acibikile conse kabili apele cena kuli ine, atile, “Bushe kuliko icili conse icintu cimbi?”

Kabili Natile, “Nshishibe,” kabili naiminineko. Oh, owe! Atile, “Munyina Branham!”

⁸¹ Natile, “Aya ayali pano ama switi, ayo, Iwe nakwebele, ‘EFYA SOSA SHIKULU,’ palwa myaka isano iyapitapo.”

⁸² Atile, “Munyina Branham, Ine nalyundapwa ukupwililika, tapali nangu cimo icakunkuma. Ine naba panono uwakosa mukumfwa nokutwi kumo.” Ndetunganya ena ali mu myaka amakumi yasano. Atile, “Ine ndafilwa ukumfwa nokutwi kumo, pantu balempela ifyakulwisha umubili ifingi lintu Nali mulya.” Lusefye ulwakusungusha ulwakwa Yesu Kristu!

⁸³ Nomba Nshikwete inshita iikalamba nomba iyakulanda ifintu fimbi, lelo Ine—Ine—Ine ndefwaya ukulanda ici.

⁸⁴ Nibanga abaleibukisha pa tupale? Nacilungama. Lilya lyali li Lembo ilya kusungusha, mu mweo wandi, icakuti Ine—Ine tekuti nkutuluke cilya.

⁸⁵ Kabili kwali naumbi uwansungwishe, ico cali lintu Mose aebele Lesa inshila iisuma ukucila Lesa ifyo aishibe ifyakucita pa cintu icili conse, Lintu Mose atile, “Abantu bali nokutula, ‘Lesa wenu alikwanishe ukumifumya, lelo tali uwafikapo ukumisunga,’” na Mose aibikile umwine icakucinga. Nomba kuntanshi Nasangile ukutula, Mose, uyo ali ni Kristu muli Mose, ukwimininako abantu. Mwamona?

⁸⁶ Eico nomba pali ili i Lembo, ukutula Ine tekuti nshimikile pali lyena, “Nga cakutula walanda kuli ulu ulupili, ‘Sela.’” Kabili mwalishiba ilyashi, eico kuti Nacilila pali ico. Nomba, Nshaishibepo icinono nangu cimo uko ico caleya. Kabili Ndetontokanya ukutula Munyina Woods na Munyina Fred, na bonse, bali muno mucikulwa, abo abalipo lintu ico cacitike, nangu panuma cacitike kulya.

⁸⁷ Kabili Munyina Rodney na Munyina Charlie, ukufuma kulya ku Kentucky, Munyina wakwa Nkashi Wood nabonse abalipo lintu cacitike ku Kentucky, ico wali muku wacibili lintu cacitike. Ukulandafye mukwanguka kwaba nefyabapo, ifintu ifyo ifishalipo. Mwamona? Ukulanda, inshita yonse, kabili nokutungilila Amalembu, uku koselesha.

⁸⁸ Umuku wa butatu cacitike ali ni Hattie Wright. Bushe Hattie ali pano muno bushiku? Icocakwa Edith... Nibanga abamwishiba Hattie Wright? Munyina Wood na Ine twaikele palya lintu cacitike, kabili lintu Mupashi wa Mushilo atile, “Mupeni ico alefwaya,” kabili twalelanda palwa ico, ifyo utupale twaishile moneka.

⁸⁹ Kabili Natile, “Bushe, ico e cintu fye cimo caba, Ena ni Yehova Kapela. Lintu fye Abrahamu alekabila sukusuku, Lesa apele ulya sukusuku. Kabili Apele utupale. Ena kuti alanda akapale kabapo, pantu Nikabumba, umusango umowinefye untu Engalandilamo na sukusuku. Abrahamu taipwishe pali ena.

Ena alifye nokuya nokucita ico, lelo calangishe ukutula Yehova-Kapela ali palya.”

⁹⁰ Lintu Nalandile, umwanakashi umunono uwaicefya... Pamuku wakubalilapo ici cacitike, i Citinto ca Butatu, pa muntu nse, cali ni ulya umwanakashi umunono uwaicefya.

⁹¹ Ulya, uwalepanga ama dolla imyanda ibili pa mwaka, mu bwikashi bwakwe, esho alefumya mwibala lyakwe ilinono. Abalume bakwe bafwile; abana bakwe babili balifye icibebebe. Kabili aishile nokupela ama dolla amakumi yabili aya ico, mukukula ili i Hema. Kabili Meda ampele ulupiya lumo ulwakushitamo ifyapa ng’anda, ama dolla amakumi yabili, kabili Nali nokumubwesha bulya ubushiku, lintu Nali kulya, ukutula tafwile apela ulo. Lelo akene ukupoka. Kabili lintu. . .

⁹² Aikele kunuma kulya kulusoso, kabili lintu Natile, “Icintufye cimo ico Naishiba, nici, Ena acili ni Yehova Kapela.”

⁹³ Kabili Hattie umunono alandile ishiwi ilya lungama. Atile, “Ico tacili nangu cimo lelo i Cine.”

⁹⁴ Kabili lintu alandile ico, Munyina Banks Wood pano eumo uwalipo, ulya umuputule waumfwikike kwati walalepuka pakati. Kabili Mupashi wa Mushilo atile, Ishiwi limo line lilya ilyalandile palwa tupale, lyatile, “Mupele ico aleipushapo.”

⁹⁵ Kabili Natile, “Nkashi Hattie, nga inte ku cinso cakwa Lesa, efyo caba. Nomba, nga cakutula muli ukutwishika mu mano yobe, iwe ipusha ico ulefwaya, kabili nga cakutula tacibikilwe pa matanta yobe, nomba ninshi Ndi kasesema wa bufi.”

⁹⁶ Atile, “Munyina Branham.” Umuntu onse alelila. Atile, “Cinshi ico Nalaipushapo?”

⁹⁷ Natile, “Iwe uli mulanda, kabili wikala ku lupili kulya, ukwabula ulupiya; kuti waipusha pali ico. Iwe walikwata umunono, nkashi uwalemana uwikele pano, Edith, uyo tupepelako, pa myaka; kuti waipusha pa bundapishi bwakwe.” Natile, “Ba wisu naba noko bakote kabili tabakwata ulupiya; kuti waipusha pali bena. Conse ico walaipushapo, Nkashi Hattie, mona nomba nga calacitika nangu iyo, nombaline.” Kabili Natile, “Anjebafye nombaline, mwi Shiwi limo line, acitila, ‘Mupele ico aleipushapo.’”

⁹⁸ Kabili aloleshe konse konse, atile, “Cinshi Nalaipushapo, Munyina Branham?”

⁹⁹ Natile, “Landa ico icili ukukabila kobe. Tontonkanya pabukabilo bobo ubukalamba, kabili landa ico.”

¹⁰⁰ Kabili abalumendo bakwe balefwemfweteka nokuseka. Kabili atile, “Icakupabila candi icikalamba icacilapo ico Nkwete lipusukilo lya bana bandi babili abäume.”

¹⁰¹ Natile, “Nabapela kuli iwe, mwi Shina lyakwa Yesu Kristu,” kabili palya baile.

102 Kabili baliba abacishinka muli ici chalichi, no mulalilo, aba abantu banono nabekala palya balesambana amakasa na baume, ne fintu ifyaba ngefyo. Ifwe bonse tuli bakambone baico.

103 Akwete ukusala ukutuntulu. Nyina wakwe ali nokufwa, eico naine, bonse pamo. Lelo ico aipwishe cikaba ica Muyayaya, kabili ipusukilo lya bana bakwe. Uyo ewali umuku wa butatu ico ukucitika.

104 Umuku wa cine cacitike, Nacila cilondololafye pano umuku wakulekelesha Nali pano, cali nipalya pa muulu wa lupili apo cilya icimwela ca maka caimine cileonaula. Nibanga abaumfwile ico? Oh, imwe bonse. Nacilungama. Apo icimwela ca maka caleonaula. Kabili Lesa ukuba Kapingula wandi naiminina pano, ukuya palya pa lupili ilyo . . .

105 David Wood, ali pano ku ncende kumo, Ndetunganya, amfangile umukate wabikwamo fimo, kabili cena cali ni cimo! Ndetontokanya ena aleesha ukumpela cimo pali cilya cimo Napangile ba wishi bakwe, imyaka iinono iyapitapo. Akwete soskisi, kabili—kabili ne nama nafyonse ifya sakanishiwa pamo. Kabili Nabikile ico mwishati lyandi, kabili yalilokele, kabili ico casangwike umo umufuba uukalamba.

106 Kabili Naleikila ukufuma pa lupili. Kwali icimwela icikalamba, Nalefilwa nokumona ukuboko kwandi ku ntanshi yandi, nalefilwa. Kabili Ninjishiba, icintu fye cimo, iwe naupilibulwa, pantu cilya icimwela cileshingulukafye nga kankungwe.

Nomba pano pali inte, kuli ico.

107 Umo pali abo ni umo dikoni wesu uwacishinka, uyo ni Munyina Wheeler. Bushe epoli pano, Munyina Wheeler? Nipesa ali? Ee, ali pano pene, Munyina Wheeler.

108 Munyina Mann, kashimikila wamu Methodisti ukufuma ku New Albany. Bushe epo ali, Munyina Mann, naisa muno nshita ya bushiku? Nshishibe nga cakutila naisa nangu iyo.

109 Munyina Banks Wood. Bushe uli pano, Munyina Banks? Bushe ali mu muputule wakubika ifintu pali tepu. Nacilungama. Kabili—kabili David Wood.

110 Kabili Munyina Evans ali palya, Nincetekela. Bushe ico nacilungama, Munyina Evans? Munyina Evans, aciminina nashintilila ku cibumba, aciba palya.

111 Kabili ifyo basalangenye pa nshiku, inshiku shibili ukutila, “Icimwela ca maka icamfula yabuta calepita mu calo.”

112 Munyina Tom Simpson ali pano muno nshita ya bushiku. Lintu alefuma ku Canada, bamwipwishe ukupita kulya pantu alefilwa ukupita, “Icimwela ca maka icamfula yabuta caleisa.” Munyina Tom, bushe uli pano? Nipesa uli? Ali pano, ekele pano pene.

Kabili kulya amakumbi yaishile. Kabili Natile, “Mweba bwananyina. . .”

113 Onse umuntu afumine mukwangufyanya. Tamwashele nangu umo mulya, ukufuma mu mwanda umo twamwali umuntu mulya, takwali nangu umo uwabwelele mulya kano ibumba lyesu ilinono nakensha wabakabalwe, kensha. Kabili twali nokwikala.

114 Naitile Nkashi Evans, kabili aitile umukashi nokumweba ukweba Tony, “Nga cakutila Nshifumine, mukabule umuntu umo umbi eo akacite umwikulo waba Shimakwebo Baume.”

115 Kabili palya pa muulu wa lupili bulya—bulya ubushiku, Natile, “Nomba lintu yena, imfula iyakubalilapo iinono yatampa, nangu icili conse, imwe kuya mu nkambi.” Natile, “Muli ba mineti ikumi nangu ikumi limo na basano tekuti umone ukuboko kobe kuntanshi yobe, lintu umwela wa maka . . . kabili kwalabomba amafiti amakumi yabili aya menshi makasa mukashitafye akanono, palya pa lupili.”

116 Kabili ifyo efyo abantu, nga mwabelenga mu mapepala, efyo bena kulya bafwile, ne fintu ifili fyonse. Lelo twalishibe ifyo twingafuma, kabili balishibe apo twali, kabili twatungulwilwe ukwikala.

117 Kabili eico palya pa muulu wa lupili, lintu icimwela ca maka catampile, Natampile ukwikila panshi. Kabili Naendeleye citika wa mailoshi ukufuma palya Nafumine, kabili i Shiwi lyakwa Lesa lyatile, “Pilibuka nokubwekelamo.”

118 Kabili Nabwelelemo nga fintu Anjebele, panuma yakulolela pakashita akanono nokulya ulya mukate untu Davidi ampele, nokubwekelamo palya nokwikala.

119 Kabili ilyo Naikele palya, naulya umwela ulepungaila ulepupa, nempela shapa fimuti filewila lubali, namenshi makasa nemfula yabuta filesendwa nga filya, i Shiwi lyatile, “Nine Lesa wabubumbo.”

120 Naloleshe mu muulu, kabili Natontokenye ukutila, “Nikwisa ico cili? Ico cimwela, limbi.”

121 Atile, “Nabumbile imyuulu ne sonde. Natalalike ifimyela fyamaka pali ba bemba,” kabili atwalililepo ukulanda.

Natolweke pa muulu nokufumyako icisote candi.

122 Kabili Atile, “Landafye ku cimwela ca maka, kabili calaleka. Conse ico walalanda, ico ecalacitika.”

123 Kabili Natile, “Wecimwela camaka, leka. Kabili, wekasuba, sanika ngefyo usanika pa nshiku shine, mpaka tukafume pano.”

124 Kabili Nshabwekeshopo ukulanda, mpaka amenshi makasa, imfula yabuta ne fintu fyonse fyalekele. Mukashita akanono nangu shibili, akasuba akakaba kalebengeshima pa numa yandi. Namwene imyela ilepupa *ngefi*, ilebwela ukufuma ku Kapinda

ka kukuso, ukwikila...Ndepilibula ukufuma ku Kabanga, ukwisa ukufuma ku Kabanga. Kalefumina ku Mboshi; imyela yacinjishe nokubwelela muli *iyi* nshila. Kabili namakumbi, kwati ngecintu icikalamba, cilesumbulwa ukuya mu mwela, kabili nakasuba kalebengeshima muli ba mineti abanono.

¹²⁵ Nomba Shikulu Yesu alandile kuli ine pakashita akanono kuntanshi, palwa mukashi wandi kulya, nga fintu mwaishiba, palwa kulya kuntu Naile. Nshatala mbwelela ku ng'anda ukutila tukwate ukusefya, kabili twalyupana pa myaka amakumi yabili na ibili. Ukukwata ukusefya kwakubalilapo, ukwakubalilapo, ukwabwanga bwesu, mulandu nshi, Nalimusendele ukuya mukulungu. Pantu, teti Nkwanishe ubulendo bwakulunga, kabili—kabili—kabili nokuya mukutusha, pamo, eico Na—Nacibikile capamo. Kabili eico, nomba, Ndalunga ukutula palya. Nacumfwile ukutila iyoine e nshila Namusungilamo.

Nomba, iyo yali ni nshita yacine cacitike.

¹²⁶ Nomba apa pali icintu cimo Nde—Ndefwaya ukulanda, kabili Mfwile ukulanda bwino bwino icine. Palwa myaka ikumi limo na mutanda iyapitapo Nali mu California pamo na Munyina John Sharrit, kabili Nakwete ukulongana. Kabili Meda na Ine, na Munyina Sharrit na Nkashi Sharrit, na bonse, twaleikala mu ng'anda yakupokelelamo abeni. Kabili no muntu uweshina Iya Paul Melikian, uwaiminina pano pe Hema pa nshita iitali; ena mukankala umwina Amenia. Kabili umukashi wakwe afele umwana ku Fresno, ku California, uko bekala; kabili aishile, aletele umukashi wakwe, nokunjita pa ng'anda yakupokelelamo abeni, kabili atile, “Bushe kuti Naleta umukashi wandi, Munyina Branham?”

Natile, “Ee, kuti wacita ico.” Ubushiku bwakonkelepo, Naleya ku Catalina.

¹²⁷ Eico aletele umukashi wakwe, kabili namayo munono ali uwalwala nganshi! Kabili alemoneka...Natile, “Bika ukuboko kobe pakuboko kwandi, Nkashi Melikian,” Natile, “twalamona nga cakutila Shikulu alatweba.” Kabili lilya linefye abikile amaboko yakwe pali ine, Natile, “Oh, bukali bwakufimba amolu.”

Atile, “Nshilemoneka ukukwata ifyakumwenako.”

¹²⁸ Natile, “Iwe mona.” Munshiku shibili, balemundapa pabukali bwakufimba amolu.

¹²⁹ Kwati munono Jimmy Poole pano, umwana wakwe umunono. Ubushiku bumbi aishile nakulya ukusanswa kwa mutima, batontonkenye, kabili kwali kusansa kwakufwasa icifuba. Kabili Nabikile ukuboko kwandi pali ena. Natile, “Mulemumona pa nshiku ishinono; nakwata kansakala. Euleisa. Yena nimpepo.” Namukumenye ubushiku bwafumineko. Atile nabwisa, konse, ubulwele bwa kansakala. Mwamona?

¹³⁰ Nomba, Nalelanda kuli Nkashi Melikian, nokuboko. Atile, “Cilya cintu cakusungusha, ukumona cilya, Munyina Branham.” Atile, “Bushe ico cilabomba pakuboko ukuli konse?”

¹³¹ Natile, “Ukuba, nga cakutula palipo icintu icilubene ku mulwele.” Natile, “Nomba pano, Nalabikako ukuboko kwandi,” imwe mwebengi mwaliminine nokumona ico, kabili cena tacacitile ico. Natile, “Pano, tapali icintu cimo icilubene pamo nomukashi wandi, abikile ukuboko kwakwe . . .”

¹³² “Lolesha kuno, we mutemwikwa, bika ukuboko kobe pa kwandi.” Ekele palya, umukashi wandi. Abikile ukuboko kwakwe pa kwandi. Lilya linefye cacitike, Natile, “Naukwata ipwalonda kumani yakukuso. Naukwata ubwafya bwa banakashi.”

Kabili atile, “Nshileumfwapo ubupusano nangu bumo.”

¹³³ Natile, “Lelo naukwata ico.” Becky ali nemyaka ibili iya kufyalwa. Umwana umwanakashi ulya uwacilalisha icinanda, pakashita akanono akapitapo, ali ne myaka ibili iyakufyalwa.

¹³⁴ Pa myaka imbi ibili, Sarah aishile fyalwa, kabili lintu . . . Afyelwe ukupitila mukubombelwa. Kabili Naipwishe Dokota Dillman, dokota wesu mu—mu Corydon, uko, “Lintu iwe walamulepula, uloleshe kumani ya kukuso,” kabili acitile.

Atile, “Tapali nangu cimo icilubene, ico Mwene.” Nabikilepo ukuboko kwandi; lelo cena cali palya pene.

¹³⁵ Imyaka ine kuntanshi Yosefe afyelwe. Namwipwishe kabili ukulolesha nakabili. “Atile tapali nangu cimo icalubene, nga fintu Namwene.” Nabikilepo ukuboko kwandi; cali palya pene. Eico twalabilekofye palwa cena.

¹³⁶ Nomba ici e cintu cimo ico Mfwile ukulanda. Nshingafwaya ukulanda ico, lelo cena cifwilefye capanga icine, mwamona, kabili ifyo mufwaya. Lyonse mulelanda icine, temulandu neca citika.

Imyaka yalipitile, tatwatalile atumona ico.

¹³⁷ Kabili Ndalanda ici, tepamulandu wakutula naikala palya, pantu Ndalanda ico ilyo ena talipo. Kabili namwishiba ukutula. Nshacetekela kuti kwaba umukashi uwawama mwi sonde ukucila umukashi wandi, kabili Ndesubila lyonse ali nokuba muli iyo nshila. Kabili Ndefwaya ukuba umulume uwacishinka, kabili Ndesubila ukutula umulumendo onse muli cino cikulwa, lintu aupa, aupa umukashi uwaba ngo mukashi wandi. Nshishibe ni panshita nshi tuli nokwikala muli iyo nshila, lelo Ndesubila pa nshiku shonse isha bwikashi bwesu pe sonde. Twaliba abansansa nganshi capamo. Lesa eumo uwanjebele ukumupa.

¹³⁸ Panshita imoine, ena ukukana ishiba, Naleesha ukukana upa ena; te pamulandu wakutula Nshamutemenwe, lelo

Nshaletontokanya ukutila kuti Namupangila ubwikashi. Kabili ali mwanakashi umusuma, kabili cilya Tacampalilefye.

¹³⁹ Kabili aile mukupepa, nokwisula Baibele. Kabili tunganyeni. . . Atile, “Shikulu, Nshacita ici kukale, lelo mpeni Amalembo ayo ayalangafwilisha. Nga cakutila kuti Namulabako, Mfwile nalabako kuli ico.” Aiswile Baibele. . .

¹⁴⁰ Kabili aile mukayanda akanono nokupepa. Kabili lintu aiswile Baibele, “Malaki 4. Moneni, Ndetuma kasesema Eliya kuli imwe. . .” Ico cali—ico cali myaka amakumi yabili muli uyo musango iyapitapo, takwali nokwishiba ubupyungishi bwa buno ubushiku. Kabili Nali. . . nshali nokuba. . .

¹⁴¹ Nali palya pa mumana. Kabili Anjimishe—anjimishe ine, ubushiku bumo, kabili Namumfwile Naiminina palya pa mwinshi. Atile, “Kabiye nokumubula, kabili no bwinga bobebukaba muli Langashe aleisa, pa twente-fili.” Kabili ico bwino bwinofye eco Nacitile. Kabili twaikala abansansa. Ukupitila mukusenamina kwakwa Lesa, tatwakwatapo ishiwi limo. Alibafye umusuma.

¹⁴² Ubushiku bumo Naishile mukati. Kabili alekusha ababana palwakwe umwine; ine ukuya mubupyungishi. Te banakashi abengi abenga cipokelela ico; namwishiba ico, bena kuti bashupa. Kabili nomba Naishile ingila mukati, kabili alandilepo icintu cimo nangu cimbi. Natukwata Yosefe kuno, kabili ali. . . Ena icine cine mulumendo! Kabili alafwilisha ukutila nyina akwate imfwi kumutwe wakwe, pamo ngefyo na Ine nacitile. Eico icine cine ena ali mulumendo, kabili alicitile icintu icabipile. Kabili Natile kuli ena. . . Atile kuli ine, “Bill, mulopole.”

Natile, “Nshikwetefye ukushipa.” Mwamona?

¹⁴³ Kabili atile, “Ee, nga cakutila iwe walikwete ukushipikisha,” kabili apunkile icibi pa cinso candi.

¹⁴⁴ “Ukuba,” Natontonkenye, “ico cilifye bwino. Uyu umulumendo umulanda tapilibwile ukucita ico.”

¹⁴⁵ Nailefye panse ukuya mukuwamya motoka yandi. Kabili lintu Nafumine palya, Mupashi wa Mushilo tatemewe cilya; Atile, “Kabiye nokumweba,” Ndecetekela nimu Milandu ya Cibili, chapitala 22. Nshacitile. Natontonkenye, mukubalilapo, Naingililemofye ico. Natwalililepofye ukuwamya. Kabili Alandile kuli ine nakabili, “Kamwebe abelenge ici.”

¹⁴⁶ Kabili Naingile mukati nabulile Baibele, nabelengele ico. Cali nipalya Mo-. . . nangu Miriamu, kasesema mwanakashi, apumishe ndume yakwe, Mose, pakupa umukashana uwaku Ethiopia, kabili Lesa tatemewe ico. Kabili Atile, “Nga caliweme ukutila wishi wakwe afwishile amate pa cinso cakwe, ukucila—ukucila uku—uku—ukucita ico.”

147 Eico, Miriamu akwete ifibashi, umubili onse. Kabili eico Aaroni aishile, nokweba nkashi yakwe, atile. . . nangu aishile nokweba munyina wakwe, atile, “Ena alefwa, ne fibashi.”

148 Kabili eico Mose aingile mukati ukumupapatilako, pa cipailo. Kabili lintu acitile, i Ntumba ya Mulilo yaikile, Lesa. Atile, “Kabiye kamwite kabili na Aaron, kabili ubalete pano.” Kabili Aaron ali muli cilya, pamo. Eico Atile, “Bete no kwisa pano.”

149 Atile, “Nga cakutila palipo umo pakati kenu,” Lesa nomba alelanda kuli bena, “ico ca bumupashi, nangu kasesema, Ine ne Shikulu Nalailenga ukwishibikwa kuli ena. Nakulalandila kuli ena mufimonwa, nokuisokolola pa Lwandi kuli ena ukupitila mu filoto, kabili—kabili nokusokolola ifiloto, nefyaba ngefyo.” Atile, “Lelo umubomfi Wandu, Mose, tapali nangu umo mu calo uwaba nga ena.” Atile, “Ndalanda kuli ena ukufuma pamilomo ukufika ku kutwi.” Atile, “Bushe tamwamutinine Lesa?” Mwamona, Lesa tatenenwe ico.

150 Ukuba, lintu Namwene ico, Nabutukile mukati. Kabili ali mu muputule umbi. Nakonkoneshe pa cibi. Ali ikomene mukati. Kabili Namwebele ukutila Ndefwaya ukulanda kuli ena. Kabili Naile mulya nokulanda kuli ena, ukwasha ukumweba ifyo cali. Natile, “We mutemwikwa, iwe walishiba ifyo Nakutemwa, lelo Lesa tacitemwa cilya. Iwe nga tawacilanda cilya.” Palya pene panuma ya ico, akwete ubwafya kulubali lwakwe.

151 Twamutwele kuli dokota ku Louisville, Dokota Arthur Schoen, kabili asangile ipwalonda kumani ya kukuso, cilya nasangile imyaka ikumi limo Naisano nangu imyaka ikumi limo namutanda kunuma. “Ipwalonda kumani ya kukuso, ubukulu kwati mukoli wauma uwa cisabo.”

Natile, “Nga palwa ico, ba dokota?”

152 Atile, “Natumone icikacitika. Mukamubweshe nakabili mu myeshi iinono, pa myeshi ibili nangu icintu cimo.”

153 Twamubweseshemo. Calikulile, ukufuma pa mukoli uwauma ukufika kubukulu bwa ndimu. Natile, “Cawama cafuma; nga cakutila ico caba icanaka kabili caleta ubusanso.”

154 Kabili Natile, “Ukuba, owe,” Natile, “tuleya—tuleya ku Tucson. Shikulu nantuma ukuya ku Tucson.”

155 Amutumine ku mwanakashi uwa kanshiwa; talefwaya cena ukuba muminwe yakwe. Eico alimwebele palwa bupyungishi bwandi, pantu ena. . . Ulya uwakanshiwa bwino umwanakashi atile, “Cifwile cena cafuma.” Eico atile. . . Twamwebele ukutila tuleya ku—ku Tucson. Atile, “Ukuba, Ninkwata uwakanshiwa uwaishibisha mulya, cibusa umutemwikwa wandi. Nalekala ku Tucson.” Atile, “Nalamituma kuli ena.”

156 Eico alembele ka kalata kuli ena, nokutila, “Misisi Branham ni namayo umusuma,” kabili atwalililepo ngefyo. Atile. . .

Amutumine ifyalengwa ifyo ipwalonda lyakulile, nefyaba ngefyo. Lyasangwike ipwalonda lilya; kabili alandile nefyo lyali ubukulu. Kabili atile, “Ninjishiba. . .” Namwishiba, alishibe ena. . . Ndetontonkanya atontonkenye, anjitile “Kondapa wa maka ya Bulesa.” Ifyo efyo fye aishibe ifyakulanda ico. Lelo atile, “Ninsumina ukutila—ukutila cena kuti cafuma, kabili cifwile. Nga cakutila kuti cafumishiwa, mukacifumye.”

¹⁵⁷ Lelo cena cali kwesha icicetekelo cesu. Kabili mukutwalilila twalepepa. Kabili lilya twalepepa ukucilapo, elyo ipwalonda lyalekulilako, mpaka cafikile pa ncende yakutila calamoneka kunse ya lubali lwakwe. Twaikele tondolo; banonofye abantu abaishibe palwa ico; twalesha ukumona icili nokucitika. Ukutwalililapo nokutwalililapo.

Mukulekelesha, lintu Nabwelele ukufuma ku Canada, kulya Naile. . .

¹⁵⁸ Shikulu ansuminishe ukutungulula umutundu uwaba Mwenye kuli Kristu. Ndi nokubwelelamo ukuya babatisha, mwi Shina lyakwa Shikulu Yesu, kukupwa kwamupepo lilya Ifimuti fitumba, Shikulu nga asuminisha.

¹⁵⁹ Nomba, ukubwela, kabili yena yali ninshita yakwe iyakuya, lilya Nali mu New York. . . nangu kuno ukukwata nakumbi ukubo-. . . ukukwata ukubombelwa, nangu ukuya pimwa ukumu wakulekeleshako. Naile kulya ku New York. Kabili lintu Nabwelele, Naiminine pano, kabili nokuya. . . Panuma Nakwete ukulongana pano, ukulongana kwakulekelesha, Naile kulya nokuya mwita kuli Muniyina Wood.

¹⁶⁰ Kabili atile, “Bill, tekuti Ndeke nefyakufwala ukukumyapo.” Cena califuma kwati *ngefi* kulubali lwakwe nomba. Kabili nokulu kwakwe kuli lulya lubali, alesuntafye pakwenda, kabili wali mulungu uwabipisha untu atalile akwatapo. Nomba naikala palya, alekutika kuli ine. Umulungu uwabipisha untu atalile akwatapo. Kabili atile, “Mfwile naya, ubushiku ubukakonka pali mailo, kuli kulya ukupimwa.”

¹⁶¹ Natontonkenye, “O mwe Lesa, nga cakutila baputula ico, ico cikatulesha ukuya ku ng’anda ku Ciminshi minshi, kabili Nalyeba abantu ukutila Ndi nokuba kulya.” Kabili Natile, “We nshita we! Oh, owe!” Natontonkenye.

¹⁶² “Ukumweba, nga cakutila ali nokubombela, ukuba, ‘Lekeni ciyeko pantanshi panono, mpaka panuma ya Ciminshi minshi.’”

¹⁶³ Elyo nomba Naingile mukutontonkanya, “Limbi kuti calikosa.” Kabili nokubwelela *kuno*, namwishiba, ico e cintu icabipa, kuya mukati kamfyo. Nga cakutila caya mukololoka, cileya icakosa, cena cili nokwipaya iwe. Eico nomba Natontonkenye, “Cinshi ico Ningacita?”

Kabili Meda atile, “Ukuba, nomba, iwe ukanjite,” atile.

164 Ubushiku bulya Nafikile mu Shreveport, ico cali nokuba bushiku panuma ya ubo, lintu Nafikile mu Shreveport, ali nokuya mukupimwa. Kabili eico aile ku... Misisi Norman aleya, Nkashi Norman; imwe bonse mwalimwishiba, mwebantu mwebesa kuno kwi Hema. Aleya pamo nankwe, kuli uyu uwakanshiwa uwaishibisha. Kabili eico atile, "Lolela mpaka ukakwate ubushiku ubwakubalilapo, pa—pa...kabili nomba ukabwele." Pantu, ubupusano, niba ora babili munshita. "Nomba ukanjite lintu ukabwela, panuma yakulongana, Ndi nokukweba ico Mfwile ukucita."

Kabili Natile, "Nacilungama." Eico, Natwalililepo.

165 Kabili ulucelo lumbi ulwakonkelepo, iyo Nshilaya, Nali nokusenda Billy na Loyce. Bonse nabekala bali pano. Kabili lyonse...

166 Twalikwata icipuna icakale ico Munyina Palmer atufimbileko, pano tapapitile inshita iitali, kabili lyonse tulesa mukushinguluka cilya icipuna nokupepa, lintu tuli...Oh, Ottoman, kwati, namwishiba, niulya apesamba apakunyanta amakasa. Lintu lyonse tuleya palya mukupepa, lintu Ndeya ku kulongana, tulepusha Lesa ukutila atwafwilishe.

167 Kabili Nali kulya, pa nshiku ishalinga, kabili Na—Naleumfwa icitendwe. Mu ng'anda; abaice nabaya, naena naya. Namwishiba, imwe mwebengi mwalishiba ukutila Nalipitile muli ico panshita imo, ukubwelelamo ku ng'anda ukwabula abantu; epela, Nashikile ulya umukashi, Hope. Kabili nomba cabwekelapo nakabili. Kabili Naikeleko, Nokutontonkanya ukutila, "Ukuba, Nalapepa elyo nomba nadeya mukusenda Billy na Loyce, nokutwalililapo."

168 Eico lintu Naikeleko mukupepa, Natile, "Shikulu, Nabafuluka muno lucelo, ukuba pano." Natile, "Napepa ukutila Mwalabafwilisha kabili nokubapala. Lekeni tukabwele kuli cino cifulo nakabili. Kabili nomba," Natile, "bali kulya pantu Imwe mwantumine kulya pa cimonwa, kabili Mwafikilishe ico. Nomba Ndelolela ukumona, ukumona ico Muli nokunjeba icakucita icakukonkapo." Natile, "Ndepepela pa...Beni abaluse kuli ena." Kabili Natile, "Mungafwilishe mukulongana kulya." Kabili nomba Nasungile... Natile, "Shikulu, mwicilenga ukuba icabipa. Kabili lekeni ulya dokota alolele mpaka panuma yakutampa kwa mwaka, elyo akacifumye. Ine—Ine napatafye ukumona ena..."

169 Natile, "Shikulu, ena tapilibwile ico acitile muli lulya ulucelo. Tapilibwile cilya." Natile, "Shikulu, tapaba inshita nangu imo iyo alandapo ishiwi palwa ine ukuya mukulongana, alekala imyeshi, nangu conse ico cali. Tapaba inshita nangu imo iyo atala esula akanwa palwa ico. Ena lyonse alatwala ifyakufwala fyandi kubakuwamya, kabili nokuwasha amashati

yandi, kabili alapekanya ifintu fyonse pakuya mukulongana. Nomba, kuti asunguka ifyo engabombela Lesa.”

170 Imwe mwe banakashi, ilyo mulebombela abalume benu, imwe mubombela Lesa, ifyo fine.

171 “Kabili nomba, lintu Nabwela, mba uwanaka uwafunshika, abantu balesa ukufuma konse. Ndafuma ukuya ku ncende imo ukuya pa bulendo bwakuloba, nangu pa bulendo bwakulunga. Mulandu nshi, abanakashi abengi kuti bafulwa pali ico. Cinshi ico acita? Alebula ifyakufwala fyakulungilamo fyandi ukumpekanishisha pakuya; ukundeka naya.” Natile, “Shikulu, ena tapilibwile ico.” Kabili Natile, “Ena alibombelwapo imiku itatu, pamulandu wakuti akwate abana.” Kabili Ine natile Ine. . . “Shikulu, Ine—Ine nshifwaya ukumona ena ukucita ico nakabili.”

172 Kabili apopenefye Naumfwile icintu cimo mu muputule. Naloleshe pa muulu. Kabili i Shiwi lyatile, “Iminina.” Lyatile, “Nomba conse ico walalanda, uyo wine emusango cili nokubelamo.”

173 Nalolelekofye pali mineti umo. Natile, “Ilyo ukuboko kwakwa dokota takulaikata pali ena, ukuboko kwakwa Lesa kuli nokufumya ipwalonda, kabili lyena talili nokusangwa.”

174 Ico calipwile, kuli ine. Nshatalile mutuminapo lanya. Natwalililepo, nailesenda Billy na Loyce, nokuya ku Shreveport.

175 Ubushiku ubwakonkelepo Nalimutumine lanya. Ali uwansansa. Atile, “Bill, Ndefwaya ukukweba!”

176 Nomba ena ali apa, kabili kuti ashininkisha pali ico. Alesunta pakuya kulya; aile mu muputule pamo na kasunga wa balwele kabili na Misisi Norman, nokumufwika ifyakufwala pantu. . . umwingila, mukuya mukumubebeta. Dokota aishile fuma, kabili alefilwa nokuya petebulo; ipwalonda lyafumine kulya, ilikalamba nganshi. Kabili lintu ena. . . Dokota aingile mukati kabili alelanda kuli ena. Kabili aishile, nokwimya icisalu ukuti amwikate, kabili, ilyofye talamwikatamo, cafuminepo.

177 Kabili dokota taishibe lubali nshi cabeleleko. Atile, “Loleleniko pali mineti imo!” Pamo nefyalengwa nefikope fyonse, ne fintu fyonse fimbi, tasangilepo nangu cimo icakumona pali ico. Amupimine, ukubwekesha nokubwekeshapo. Atile, “Ine tekuti imbe uwakulondolola ico, lelo, Misisi Branham, ipwalonda talilipo.” Kabili takwatapo necilangisha pali ico, ukutula palya.

178 Cali cinshi? Moneni, bwino bwino fye filya eflyo Calandile, “Ilyo ukuboko kwakwa dokota takulaikata pali cena.” Mukashitafye akanono, kabili ukuboko kwakwe takulati kwikate ico. Ifyo i Cebo cakwa Shikulu caba icapwililika!

179 Nomba, umukashi wandi ali palya, kabili ifwe bonse babili tuli ku cinso cakwa Lesa. Lelo ilyo ukuboko kwakwa dokota

takulati kwikate pa mubili wakwe, munshila ukwisa kuli ena kwati filya, icintu cimo cacitike, ipwalonda lyafuminepo. Kabili bena bafililwe, ena—ena atile. . . Ndecetekela cena cali, bushe tacali ifyo, wemutemwikwa? “Ndefwaya ukukoselesha iwe, Misisi Branham,” (Bushe ico nacilungama, munshila alandilemo ico? Ico nacilungama.) “lilya ipwalonda talilipo palya. Taukwete ipwalonda ilili lyonse.”

¹⁸⁰ Cali cinshi cilya? Bwino bwino fye umwabela i Cebo cakwa Shikulu, ifyo cali. . . ? . . . Amen. Uyo emuku walenga busano. Fisano ni nambala yakusenamina, inambala ya c-i-c-e-t-e-k-e-l-o, pamo.

¹⁸¹ Tamuli ukutwishika mu mano yandi. Nalishiba ifyo Icitinto ca Butatu caba, kabili Nalishiba nefyo cicita. Nomba kuba abamucinshi, ukwikalafye tondolo, inshita ili nokufika nombaline apo Lesa ali nokucita ifintu fimo ifikalamba nganshi pali ifwe.

Nomba natukonkeke imitwe yesu nokumfwa ishiwi lyepepo.

¹⁸² Shikulu Yesu, Nalicimona pa bantu bambi, lelo lintu caisa pa mukashi wandi wine umusuma, cena cili mu ng’anda yandi, nomba, Shikulu. Naloleshe pali cena na menso yandi yene, nalicumfwile cena na maboko yandi yene. Kabili Ine. . . ikumi nafi-. . . imyaka ikumi namutanda ilyo ico, cena cali pamo, Shikulu, caishibikwe kabili casokolwelwe Naimwe. Lintu icintu conse calandwa, cifwile cacitwa. Imwe mwalenangisha, Shikulu, nomba, ukutila, icakushininkisha candi muli ico Mwacitile abantu, kabili mwanenga ukwishiba, pakutila Ningabafwilisha. Mwacitelete ukupita mu ng’anda yandi ine. Ico cali Citinto ca Kubalilapo. Kabili nomba Icitinto ca Butatu cashininkishe Icitinto ca Kubalilapo.

¹⁸³ Tuletotela, Taata. Tweleleni kukulufyanya kwesu. Tuli abantu abanono. Tatwasambilila, ifyo fine, abantu abashasambilila. Lelo tuletotela ukutila twalikwata umukalamba Lesa Uusangwapo lyonse uulolesha kabili uusankamana pali ifwe, pantu tatwaishiba ukuisakamana palwesu. Twaibika palwesu kuli Imwe.

¹⁸⁴ Nomba, Taata, Napepa ukutila Imwe mwalangafwilisha. Kabili muli ici Icitinto ca Butatu, lekeni, O mwe Shikulu, ngefyo Imwe mwaba abakulanda pa myaka iingi iyapitapo palwa ico, ukulangisha cena pa. . . ukubika ifishibilo pa mpili, nefyaba ngefyo, ukuleta ico ukumoneka. Nomba, Nalolesha ukumona ifyo cali mpaka cena calishininkishiwe mukupwililika. Nomba Napepa, Taata, ukutila Mwalangafwilisha ukuba uwamucinshi uwacilapo, pamo neci, ukucila ifyo cali kunuma, kabili lekeni Imwe mukwate ubukata. Nga, pano pene pali ici icintamba cimo cine, apo Icakubalilapo calandilwe, ica Bubili, kabili nomba ica Butatu, kabili ico Mwalanda calisa fikilishiwa bwino bwino ifyo Mwacilandile. Twalimicetekela Imwe, Shikulu Lesa.

185 Afweni cila umo pali ifwe ukuposa ukukana cetekela kwesu kabili nefya kutunganya kwesu, ukutila twingeminina Mukubapo kwakwa Lesa wa mweo, ukwishiba ukutila, Lesa umo wine ulya uwafumishe ipwalonda ukufuma mu mukashi wandi uyo uwikele uulipo nomba; uwashininkishiwa nabamo aba sayansi yafyamiti aba pamuuulu twakwata mu calo, abapimine ico, kabili nomba nokulolesha, kabili nokukopa cena; kabili nomba tacilipo. Imwe muli Lesa kabili tapali nangu umbi kulubali ukucila Imwe.

186 Kabili twali Mitemwa pantu Imwe—Imwe mwalitulenga ukuba ababomfi Benu. Kabili lekeni tu Mibombele no mucinshi nokucindikwa, inshiku shesu isha myeo yesu. Fikilisheni ico, Shikulu. Lekeni Imbe uwakucita, kabili nolupwa lwandi, kabili na bantu bonse aba, bengaba u Lubuuto ulubengeshima, umucele uyo uuli noku-...ukupanga icilaka muli bambi, ukutemwa uyu Yesu uyo uwatucitila ifingi.

187 Nomba Naisula i Cebo, ukubelenga Cena pesambililo ilinono, kabili nomba nokupepelako abalwele, ngafwilisheni, Shikulu. Landeni kuli ifwe, nokundapa abalwele, mwi Shina lyakwa Yesu twapepa. Ameni.

188 Bushe kuti imwe, bushe Ninkwata inshita pali . . . ? [Ulukuta lwatila, “Ameni.”—Kale.] Nga cakutila Ine kuti naangufyanya ukuya . . . pesambililo limo pano, Ndefwaya imwe ukubelenga nomba, nangu mulemba, nangu conse ico mulefwaya ukucita. Cimo icakubalilapo cilesangwa mwi Buuku lya Mpendwa, 21:5 ukufika ku 19, kabili tulefwaya uku—ukubelenga ici:

Kabili abantu balandile Lesa ifyabipa, kabili ifyabipa kuli Mose, Cinshi ico mwatuletele ukutufumya ku Egypto ukwisa fwila mu matololo? pantu tapali umukate, nangula ukubapo amenshi ayali yonse; kabili ne myeo yesu taitemenwe uyu umukate waanguka, icakulya caba Malaika.

Kabili SHIKULU atumine insoka insoka ishikali pakati ka bantu, kabili shena shasumine abantu; kabili na bantu abengi abena Israele bafwile. Eico Shikulu . . .

Eico abantu baishile kuli Mose, nokutila, . . .

189 Ukulapila! Moneni, “Ifwe twalibembuka!” Mwamona, ico e cintu icakubalilapo ku bundapishi, ukulapila mukubalilapo.

. . . Ifwe twalibembuka, pantu ifwe twalilanda ifyabipa ukulola kuli SHIKULU, kabili ifyabipa ukulola kuli iwe; pepa kuli SHIKULU, ukutila enga fumyapo insoka pali ifwe. Kabili Mose apepeleko abantu.

Lelo SHIKULU atile kuli Mose, Panga insoka yabukali, nokuibika pa cimuti: ukutila cena cili nokuba, ukwisa—ukwisa fikilishiwa, ukutila onse uyo uwasumwa, lintu alolesha pali yena, ali nokuba no mweo.

Kabili Mose apangile insoka ya mukuba, no kuibika pa cimuti, kabili cena caishile fikilishiwea, ukutila nga cakutila insoka yasuma umuntu uuli onse, lintu alolesha pa nsoka ya mukuba, aleba no mweo.

¹⁹⁰ Nomba, pamo, Ndefwaya ukubelenga Amalembu muli Sakaliya, chapitala 12, na versi 10.

Kabili Nkapongolwela pa ng'anda yakwa Davidi, kabili napabekashi bamu Yerusalemu, umupashi wakusenamina no wakwipusha mu mapepo: kabili bakalolesha pali ine neo balashile, kabili bakamulosa, nga fintu umo alosha umwana wakwe umo, kabili akomfwa ububi pali ena, nga umo uuli mukumfwa ububi pebeli lyakwe.

¹⁹¹ Nomba pe sambililo, Nalabula ici: *Lolesha Kuli Yesu*. Fumya amenso kwi sonde nokulolesha kuli Yesu. Mose apangile insoka; kabili apa kasesema, pantanshi, alelanda pali ico, ico icili nokucitika, ukulolesha kuli—kuli Yesu.

¹⁹² Baibele yatila, muli Esaya 45:22. Tulesanga ukutila Lesa atile, “Lolesheni kuli Ine, mwempela shonse isha pe sonde.” Kabili nomba lintu isonde lyaisa ku mpela lyaliko, nangu imibombele iye sonde yaisa kumpela yaliko, lekeni abantu baloleshe kuli Ena.

¹⁹³ Nomba imwe kuti mwatila, “Twalyumfwa ici, inkulo panuma ya nkulo. Twalyumfwa ici panshita iitali.” Ico cacine, kabili cena calishimikwa pa nshita iitali. Bakapyunga abengi balibula ili isambililo limo line, amakana yabo.

¹⁹⁴ Lelo pano pali icintu ico Ndefwaya ukwipusha imwe, muno nshita ya bushiku, pali ba minetifye abanono. Lelo lintu mwalolesha, ilipusho lili—lili, cinshi ico mumona lintu mwalolesha? Cinshi ico mumona ilyo mwacita ukulolesha? Ico cibafye paco iwe uleloleshapo. Mwamona? Nomba Atile, “Lolesheni kuli Ine, shonse impela shape sonde.” Mose asumbwile insoka, kabili, onse uyo uwaloleshe, alyundepwe. Nomba, cena cibafye paco uleloleshapo.

¹⁹⁵ Nalimona abantu baisa mukulongana, muli buno ubushiku bwakulekelesha, kuti cacitwafye ukwikala mukulongana pali imo nangu yabili ama mineti. Epelafye eflyo bengeminina. Mwamona, teti bashipikishe.

¹⁹⁶ Nshakatale ndaba, Ndesubila ici tacalangishe umuntu uuli onse ukufuma ku Iowa, lintu Nakwete ukulongana pa Waterloo.

¹⁹⁷ Munyina Lee Vayle, aciba pano muno lucelo. Nshishibe nga cakutila ali pano muno nshita bushiku nangu iyo. Bushe uli pano, Lee? Aciba pano muno lucelo. Ee, mulya mwine umwakubika amashiwi pali ba tepu pano pene. Nacilungama.

¹⁹⁸ Munyina Lee na Ine twalicita fyonse ifyo twingacita. Nokupela akabungwe kaba kapyunga umwikulo, uwabula

ukushita, ukwisafye nokulanda kuli bena. Munyina Lee Vayle, ifyo fine, musambi kabili—kabili ni Dokota uwa fyamaka yakwa Lesa, ukutila icine cine alibombeshe ukusanga degri yakwe. Kabili eico Naeseshe ena ukutila engashimikila kuli aba ba Lutherani, naba Presbyteriani, nefyaba ngefyo, lelo atile, “Iyo, balelolesha kuli iwe ukucita ico.”

¹⁹⁹ Ukuba, Nabwelelemo ukubula isambilisho lyandi, ku cinso ca aba bakapyunga, panuma bonse bapwishishe ukulya. Nabulwile isambililo lyandi: *Nshali Uwa Kukana Nakila Icimonwa Ca Mu Myuulu*. Ukukana cila pafyo Nabelengele mu Malembo, palwa babili baloleshe, panse ya ciibi baile. Nga fintu Nacitampa ukulanda, “Nga Paulo mu bushiku bwakwe, nobupyungishi bwakwe ubwaibela, kabili nomba aiminina ku cinso cakwa Agrippa kabili atile tali uwakukana nakila kuli ico,” abali babili nangu batatu baiminine. Kabili ukukonka ne nshita iyo Naiminine ukutila Ningalanda icintu cimo palwe sambililo, palifye abali batatu nangu baane abaikele palya. Bena bonse baiminine nokuya.

²⁰⁰ Umulandu wa ico, cili, nici. Bamo besa mukulongana, lintu baumfwa pali kasabankanya wa mbila nsuma, umusango afwalilamo ulakwata cimo icakucita na bantu. Nga cakutila tafwele umusango walungama uwa fyakufwala, bamo pali bena . . .

²⁰¹ Naumfwile ke—keshiba wafyamano atile, ubushiku bumbi; Dokota Narramore, umuntu umusuma, umuntu umwina Kristu, ubutantiko bwakwe bwaba pa KAIR palya, inshita yonse. Atile, “Inshila yakulandilamo ukutila umuntu nafulungana, lintu tafwele umwabela amano yakwe nemibele.” Namwishiba, kufyo afwile amoneka ku cinso ca cintu bwingi, ico ecishibilo ukutila alefulungana.

²⁰² Ukuba, nomba, Naliba uwapena mu mweo wandi, mwamona, pantu Ndafwala amaofoloshi ne fintu fyonse, mwamona. Eico, ukulingana ne cifulo candi, Mfwile nafwala nga shimapepo, mu masihiwi yambi, uku—ukuba shimapepo.

²⁰³ Nshiletontonkanya Yesu alefwala nga shimapepo. Alefwala kwati muntu fye. Aleya pakati ka bantu, kabili ukufwala takwali nangu cimo.

²⁰⁴ Ico cilifye, mwamona, ifyo amano ya muntu yena tayacita. Cena tacicita . . . Nga cakutila uyu muntu, nangu, Ndesunguka paco dokota engalanda pali ici, lintu kasesema mu Baibele bamwebele ukufwala ifyakufwala nokwenda ubwamba ku cinso ca bantu? Ena icine cine kuti aba uwapena, bushe tekuti ena nomba? Lelo Lesa amwebele ukucita ico.

²⁰⁵ Naumbi alele kulubali lwakwe pa myanda itatu na makumi yane imyeshi, Nincetekela cali, ukulala kulubali lwakwe, ulubali lumo; kabili apilibukile kulubali lumbi. Kabili alile inseke mumpoto isho apekenye mulya; kabili ailemona ici

icintu nokupanga kulya, capamo, nokulya conse panshita imo; ukufika nokubulapo ukwisusha iminwe nokulya, nalala kulubali lwakwe, kukuba icishibilo. Mwamona?

²⁰⁶ Oh, ifyo abantu bengakwata ukufuma, icine cine, ku Cebo cakwa Lesa. Balaba abasambilila nganshi mpaka bena baisambilisha abene ukufuma kuli Lesa. Lintu abantu balelanda palwa ena ukutila alikwata amasambililo, Nalishiba ifyo ena aba ukufuma kuli Lesa; mwamona, degree yabu dokota. Nshilelanda ici ukulandila ububi Dokota Vayle, pantu taba muli cilya. Lelo, ilingi line, lintu umuntu akwata digri yabu dokota, ico cilepilibulafye, kuli ine, ukutila ena ali apatali ukufuma kuli Lesa, mwamona, kano ena aikatilila umwine palwakwe ku Cebo nakuli Lesa.

²⁰⁷ Nomba, tulesanga ukutila bamo besa mukumfwa umusango tulelandilamo, lintu baisa mukumona. Iwe walanda pabundapishi bwamaka ubwakwa Lesa na Shikulu; nga cakutila umuntu tafika apatali, uwasambilila uwa mano ukucilapo, abantu tekutifye bomfwe ukumumfwa alebomfya amashiwi ayakutila “tali, tali,” kabili—kabili namashiwi ngefyo... Benafye... Bena tabacita. Bena batontokanya ukutila ico ninshila ukufuma kuli Lesa.

²⁰⁸ Kabili lintu Yesu alandile mululimi ulwaanguka ulwaba ifyo, mpaka, ileelo, cena calilenga ba kafundisha bakalamba ukuba abafulungana, pantu balesha ukupilibula ico umwabela bukasambilila kabili nolulimi ulwa ubo ubushiku, kabili lwena lwali lulimi lwapa musebo. Eico... .

²⁰⁹ Mulandu nshi, paliba ubulekano ubukalamba nangu muno mu United States yesu! Natumine lamya ukufuma ku Florida, ku New York, kabili naishilesanga umwanakashi pano, capamo, pa St. Louis, ukupilibula pakati ka uyu umukashana waku masamba no mukashana waku kapinda ka kukuso. Ubo ebupusano ubwaliko. Mwamona? Icline cine.

²¹⁰ Nomba icintu ico cili, ukutila abantu balolesha pali ifyo ifintu, pafyakulandapo, mucifulo ca Cebo. I Cebo ukuba icasokololwa mucakulangisha ico Icili icalungama. Mwamona, i Cebo ukuba icasokololwa! Bena tabalolesha pali Ico. Ufwile wakwata amano yobe, ayakwishiba, ukuya ku seminale ukuya sambilila ifyo ufwile wakontama, ifyakwiminina mu ncende imo, nafyonse. Oh, ico kuti casakamisha kapyunga, ku kumfwa, ukutila ulya ucine cine aiswilemo Mupasahi wa Mushilo. Mwamona? Nomba, ifyo fyamumano.

²¹¹ Kabili iyo e nshila iyo ici icalo conse cakwata. Cakwata amano yaciko ayakwa Kristu. Ico eco baloleshako. “Kabili nga cakutila Kristu ali muli iwe, iwe ufwile waba kasambilila, iwe ufwile waba uwamano,” pantu ico eco bena batontokanya Kristu aba.

212 Kabili inshita naimbi, icintu cimbi, balapanga itontonkanyo lyabo ifyo Ena afwile ukuba, amano yabo abene, mucifulo cakusenda ifyo i Cebo calanda. Iyoine enshila intu bena balolesha, nangufye ukumona Yesu palwakwe Umwine eka, balafilwa ukumwishiba Ena. Bacitile ico pa Bushiku bwa Pentecosti. Bacitile ico lintu Cena cali mu mubili. Bacitile ico lintu Ena ali mu mukondo. Bacitile ico lintu Ena ali mumisebo mu Yerusalemu. Bacitile ico lintu Ali pacapindama. Kabili Ewali kafikilisha wa Cebo. Kabili, cibe, bakwete Messiya uwaleisa munshila iyalefuma mu Muulu, kabili ne fintu fyonse fimbi, kabili ali uwaluba, pantu ico cali mano yabo. Kabili bafililwe uku Mumona, kabili nokulolesha mukulungama pali Ena. Eico efyo cili ne leelo!

213 Cinshi umona lintu walolesha? Bamo balolesha ukumona, lintu balolesha pali Ena, balolesha ukumona balya abakalamba aba mano bakasanga wa chalichi, umuntu umo uyo icine cine uwingapanga icisumino ico icingalenga abantu bonse ukukonka cilya icisumino, icintu cimo necinankwe. Ico eco baloleshapo bena lintu bamona Ena.

214 Bamo balolesha ukumona icabufi, nga Santa Claus, lintu balolesha. Balabelenga Baibele, nokutila, “Ah, ico e cintu icakutunganya. Cena cintufye cimo ico umuntu alembele. Ico eco, bena, pantu lintu bena . . .” Itontonkanyo ilyo iwe wasenda pali Baibele, ico eco usenda pali Ena. Mwamona?

215 Bamo balolesha ukumona umwana. Bamo balolesha ukumona aka—akalulu nangu Santa Claus. Bamo balolesha ukumona ibuuku lya lyashi lya kale ilyo ilyali mailo kabili te leelo.

Lelo, ilipusho lili, cinshi ico umona lintu walolesha?

216 Imwe mwebengi, mwebalanda ukukwata Mupashi wa Mushilo, mulolesha nokumona umuntu wacibili uwa bupatatu. Lintu, cena tacalumbulwa napo muli Baibele. Takwaba icintu icaba ngefyo. Ishiwi bu patatu talyaba nangufye nikunkupo sha Baibele. Lelo, cibe, lintu walolesha pali Yesu, mu Mumona kwati muntu wacitatu nangu umuntu wacibili uwa bupatatu, kabili uyo wine emulandu tamwila nangu kumo.

217 Namwishiba ico Alandile? “Ndi Lesa, kabili takwaba naumbi ukucila pali Ine.” Mwamona?

218 Cibafye paco uleloleshapo. Nga cakutila ulefwaya ukubikapo umo umulumendo atola utumipila, umuntu umukalamba ne myefu, kabili nefyaba ngefyo; nga cakutila uyo emusango uloleshamo pali Yesu ukuba ena umuntu uwapusanako ukufuma kuli Lesa, iwe ulelolesha mucilubo. Iwe taucimona Ico.

219 Pano tapapitile inshita iikalamba, Nakwete amakalashi yamumpaanga. Naleesha ukumona insansala, nangu insansala mulya mu mpanga. Kabili umwana wandi aleesha ukunanga,

kabili ena ali umwaice panono. Eico atile, “Fwaleni amakalashi, taata! Insansala shilya shiminine palya, palya pene kulya!”

Natile, “Kuti naimona na menso yandi ayacifyalilwa.”

Atile, “Buleni aya amakalashi.”

²²⁰ Lintu Naloleshe, Namwene insansala ikumi, lelo amakalashi tayalemona bwino. Kabili lintu Naile mukuyabika bwino, shonse ikumi shaishileba umo.

²²¹ Kabili nga kuti mwatonta amano yobe pa Cebo cakwa Lesa, fitatu, fili nokuba Cimo. Mwamona? Lelo amagalashi yabu shimapepo yali nokufuma mukutonta lintu waesha uku Mupanga batatu. Ena aba Umo. Mwamona?

²²² Lelo cena cibafye paco uleloleshapo. Cinshi ico umona lintu waloleshapo? Ibukisha, kuti iwe wamonafye Ena lintu iwe walolesha pali Ena ukupitila mu Cebo. Tekuti uoleshe pali Ena ukupitila mwi buuku lwakubelengamo. Tekuti uoleshe pali Ena ukupitila mucisumino. Iwe uli nokumona babili nangula batatu ba lesa, nefintu fyonse fimbi, muli ifyo ifisumino. Lelo lolesha pali Ena ukupitila mu Cebo, kabili uli nokumona ukutila Ena ni “*Emmanuele*, ‘Lesu uwapangwa umubili pakati kesu.’” Atile, “Ndi Lesa, kabili takwaba umbi ukucila pali Ine.” Ena ni Lesa.

²²³ Esaya aloleshe pa nshita imo, kasesema, kabili lintu amene Yesu. . . Isambililo lyandi lili, “Ukulolesha kuli Yesu.” *Lolesha kuli Yesu*. Lintu Esaya aloleshe ukufuma kwi sonde, ukumona Ena, atile, “Namona Kapanda wa mano, Cilolo wa Mutende, Lesa uwamaka Yonse, Taata uwa nshita Pe.” Ifyo efyo Esaya aloleshe ukufuma nokumona.

²²⁴ Daniele, pa nshita imo, aiminine lintu amwene i—impela yabufumu bwabena Fyalo. Amwene icipasho ico Nebukadineza alotele. Amwene ifyo cila umo bumo buli nokupyana ububiye, ilyo baleisa. Kabili lintu aloleshe ico icali nokucitika pa mpela, lintu amwene Yesu, Ali “Libwe ilyaputulwe ukufuma mu lupili, ukwabula amaboko,” ico icatobawile ama bufumu yabena Fyalo.

²²⁵ Nebukadineza aposele abana baba Hebere batatu mwilungu lya mulilo, abacetekele muli Lesa nokwiminina pa Cebo Cakwe. Nga cakutila bena bafwililile pali Ico, bena bali nokwiminina, nangu cibe ifyo; icintu fye icinono, ukukonteka amakufi yabo munshila imbi. Lelo lintu aloleshe ukufuma nokumona Yesu, Ali “muntu uwalenga bane” uwali mwilungu lya mulilo, kabili lyasungile konse ukukaba ukufumyapo pa babomfi Bakwe aba cumfwila. Ico eco Nebukadinezzala amwene.

²²⁶ Esekele aloleshe ukufuma ukumona Ena ubushiku bumo, kabili Ali “Mupeto pakati ka mipeto,” palya pamuulu pakati ka mwela. Ewali Icakwikata pakati ka mupeto, uko isipoko lyonse likakwa. Amen! Umupeto uukalamba ubutuka kucicetekelo, lelo u Mupeto uunono upilibuka na Maka yakwa Shikulu. Uyo e Untu Esekele amwene lintu aloleshe.

227 Yohane Kabatisha aloleshe ubushiku bumo, kabili, lintu acitile, amwene Inkunda; kabili ne Shiwi, lyaletila, “Uyu Mwana Wandu uwatemwikwa muli Uyo Mbekelwamo ukwikala.” Ico eco amwene. Nomba, amwene Yesu na Lesa ukuba u Muntu umo wine, pantu u Mupashi waikile ukufuma mu Muulu nge Nkunda, uletila, “Uyu e Mwana Wandu Untu Mbekelwamo ukwikalamo.” Ico eco amwene. Moneni, Ena alailangisha Umwine eka muli iyo inshila.

228 Noa, lintu aloleshe ukumumona Ena, Noah amwene ubupingushi ubwalungama ubwakwa Lesa buleisa pa bantu abamuli ili isonde abo abakene i Cebo Cakwe. Ifyo efyo Noa alandile lintu aloleshe.

229 Mose, lintu amwene, icimpukusa cilepya. I Ntumba ya Mulilo yailetele Iyine palwaiko mu cimpukusa, kabili, lintu Mose apalamine mupepi kuli Cena, Atile, “Fula insapato shobe, pantu, ‘INE NABA.’” Nomba, nga cakutila wapima ilyo ishiwi, “INE NABA,” lyena ni nshita iyapita, ni nshita yanomba, kabili ninshita ya kuntanshi. “INE NABA,” Umuyayaya! Mwamona? “INE NABA,” amwene “INE NABA.” Ico eco amwene mucimpukusa icalepya.

230 Israele amwene pa nsoka iya mukuba iyo Mose apangile, kabili amwene ukucula ukwakwa Kristu pa bupingushi pa balwele, pantu twalishiba ukutila insoka yalandile pa Cikonsolwelo.

231 Yesu ewali cilya Icikonsolwelo. “Nga fintu Mose asumbwile insoka ya mukuba mu matololo, efyo no Mwana wa muntu afwile ukusumbulwa,” pabwiminishi bumo bwine. Mwamona? Mulandu nshi? Bena balibembwike, kabili balilwele; ico cali icakusenda imembu shabo kabili namalwele yabo. Kabili ico eco, “Yesu alashilwe pa filubo fyesu; kabili mufipumo Fyakwe twalyundepwe.” Ukusenda ubundapishi bwa Maka ukufuma kuli Kristu, iwe ninshi waputula citika Icikonsolwelo, muli fibili. Mwamona?

232 Cinshi ico iwe umona muli Ena lintu walolesha? Bushe ulamona ico? Bushe ulamona ico, “Ena alashilwe pa membu shesu; mufipumo Fyakwe twalyundepwe”? Lintu walolesha, bushe kuti wamona ico, nangu bushe kuti wamona ulubali lumo ulwa Cikonsolwelo? Bushe kuti wamona imbali shonse shibili lintu walolesha?

Nga cakutila walolesha muli ico ukupitila mucisumino, bali nokukweba ukutila, “Inshiku sha bundapishi shalipita.”

Lelo nga walolesha ico ukupitila mu Cebo, uli nokumona, “Aba cimo cine mailo, ileelo, no muyayaya.” Mwamona?

233 Abasambi baloleshe pali Ena lintu bali pali bemba uwaafya, kabili bamwene ubwafwilisho bumofye ubo ubwingesa mukubafwa, buleisa.

²³⁴ Malita aloleshe kuli Ena munshita iyamfwa, kabili amwene ukutila Ali “ukubuka kabili Umweo.” Ameni! Mu nshita yamfwa, Malita amwene, lintu aloleshe pali Ena...Ena balimukene ku bantu bakwe; Ena balimutamfische; nangu, ena atumine kuli Ena, kabili Taishile kuli munyina wakwe. Lelo lintu mukulekelesha Aishile, kabili aile nokupona panshi eico pakutila engalolesha pali Ena, asangile ukutila Ali fyonse fibili “ukubuka kabili Umweo.” Ameni!

²³⁵ Jairus acitile icintu cimo cine, uwacetekela uwa mubumfisolo; umunono Prebysteriani, Methodisti, Baptisti, uyo uwacetekele mucine, lelo afililwe ukucicita, pamulandu wa cilonganino cakwe tacalemusuminisha, pantu nga balimufumishe kwisenge. Lelo umwana wakwe umukashana umunonofye alele mupepi no kufwa, kabili ena ali no kuya. Lelo ilyo asangile Ena, asangile ukutila Ena ali ukubuka no Mweo.

²³⁶ Lintu atumine Ukumwita, uwatuminwe aishile nokutila, “Wicusha Shikulu, pantu umukashana afwile kale.” Ena... Kabili umutima wakwe unono wapene ukufilwa ukutunta.

²³⁷ Lelo Atile, “Bushe Nshacitile, ‘Ngacakutila iwe wacetekelafye, iwe walamona Ubukata bwakwa Lesa?’” Jailosi asangile ukutila Ena kuti aimya uwafwa, lintu aloleshe pali Yesu.

²³⁸ Abashala baloleshe kuli Ena, kabili icakulya icakubalundulula imyeo. Ico icali icacifyalilwa. Abansala, kuli bumupashi, kuti balolesha kuli Ena nokusanga ukutila E Mukate wa Mweo.

²³⁹ Umupupu uwalefwa aloleshe ukumona ico engamona, kabili asangile, muli Yesu, ubwelelo bwakwe. “Mukanjibukishe, Shikulu, lintu Imwe mukesa mu Bufumu Bwenu.” Yesu atile, “Ileelo iwe uleba pamo na Ine mu paradise.” Ico amwene mu nshita ya mfwa yakwe.

²⁴⁰ Abalwele baloleshe kuli Ena, nokumona Kondapa. Impofu yaloleshe, kabili yamwene.

Cilifye paco uleloleshapo nomba. Cinshi ico uleloleshapo?

²⁴¹ Petro na Nathanaele baloleshe, kabili bamwene i Cebo icalailwe icakwa kasesema wabo, Mose, acilengele ukusokololwa. “Shikulu Lesa wenu ali nokwimya Kasesema uwaba nga ine, kabili kuli Ena abantu bali nokwikatilila. Kabili nabonse abasha Mucetekela, kabili nokumumfwa ulya Kasesema, bakaputulwa ukufuma pa bantu.”

²⁴² Kabili lintu Petro aendele mu Kubapo Kwakwe, Yesu atile, “Ishina lyobe niwe Simoni, kabili uli umwana wakwa Yona.” Aishibe palya bwino nomba, lintu aloleeshe umuku wakubalilapo pali Yesu, ukutila kwali ukufikilishiwa kufyo i Cebo cakwa Lesa calandile ukutila Ali nokuba. Ameni.

243 Ndesunguka ngacakutila wasangile icintu cimo cine lintu walolesha pali Ena umuku wakubalilapo? Ndesunguka ngacakutila i Cebo cailangishe Icine kuli iwe lintu waloleshe pali Ena?

244 Natanaele, lilya linefye aishile mu Kubapo kwakwa Yesu, aletwishhika panono...Tulesanga ukutula Filipino aliile nokumweba, “Isa, umone Untu twacisanga.”

Kabili Nathanaele aishile, nokutula, “Ninina umo Uyo?”

Atile, “Limbi ni umo kulya ulepeepela abalwele.”

245 Asunkile abantu munshila yakwe nokupita mpaka aloleshe pali Ena. Kabili lintu aloleshe, Yesu atile, “Moneni umwina Israele muli uyo tawaba akabi.”

Atile, “Kafundisha, nilisa Mwanjishibe?”

246 Atile, “Ilyo Filipino talakwita, lintu waciba mwisamba lya cimuti, Nacikumona.”

247 Nomba cinshi ico Nathanaele asangile? Asangile ukutula kwali i Mfumu yakwa Israele. Atile, “Iwe uli Mwana wakwa Lesa. Iwe uli Mfumu yakwa Israele.” Ico eco amwene lintu aloleshe. Akwete ukupilibulwa kwa Malembo, yaletelwe ku lubuuto kuli ena. Amwene ico, a Malembo yamo yene ayo kasesema wasubwa Mose atile, “Ali nokuba Kasesema uwapalana naine.”

248 Umwanakashi pa cishima, amwene pamuku umo, kabili cinshi ico amwene? Alangishe ico mu musumba. Atile, “Iseni, mumone u Muntu Uyo uwinjebele ifintu ifyo Nacita. Bushe uyu teulya wine Messiya?” Lintu aloleshe umuku wakubalilapo pali Yesu Kristu, amwene Messiya.

249 Abantu kuti balolesha pa cintu cimo cine ileelo, kabili nokwita Cena “amano yakutunganya.” Bena kuti baita Ico “ifyabumupashi.” Kutu baita Cena umusango onse uwe shina lyakwa ciwa Bengeta, pantu tabaishiba ico baleloleshapo. Ameni. Tabakutuluka. Bafwaya ifisumino. Bafwaya uwacenjela ukubika ichalichi mu mutande. Bafwaya ba membala abengi, kabili nokufilwa ukumona Shikulu wawalwa Yesu Kristu mu Cebo Cakwe icasokololwa. Nacilungama.

250 Cibafye paco uleloleshapo. Ngacakutila ulelolesha paku fikilishiwa kwa bulayo ileelo, uuli nokumona ico. Lelo, ngacakutila ulelolesha pa mano yamo, nangu icintu cimo ico bena lyonse baloleshapo, uwatampile umukalamba, umo uwelyashi lyakale, umo umuntu umbi, icintu cimo cimbi, iwe kuti wafilwa ukumona Ico. Lelo lintu walolesha pali Ena ukupitila mu Cebo, i Cebo cilanda Untu Ena aba.

251 Abecenye na bantu bamubushiku Bwakwe ukucita cimo cine. Bena tabamumwene Ena. Atile, “Mwe ntungulushi impofu isha mpofu. Imwe mulanda ukutula Mose ni kasesema wenu. Nga mwalishibe Mose, imwe nga mwalinjishiba Ine. Mose alembele

palwa Ine.” Kabili bena bali abapofula nganshi ukumona Cena. Ukulaloleshafye pali Cena, kabili abapofula nganshi ukucimona Cena.

²⁵² Ndesuntinkanya kulya “ukubengeshima,” muno lucelo, pa ma miniti ayanono, mulemona. Balelolesha, kabili tabeshibe ico balefwaya, pantu balikwata itontonkanyo ilyalubana pafyo baleesha ukusanga. Kuti waishiba shani ico walefwaya ukusanga, nga tawaishibe ico ulefwaya?

²⁵³ Musango nshi mwingaya mukufwaya icipushi, kabili tamwatala monapo cimo nokutala ukumfwapo pali cimo? Musango nshi mwingaya mukufwaya icibilika ca menshi, nga tamwatala ishiba ukutila kwaliko icintu ca musango uyo, nefyo calemoneka? Mulandu nshi, kuti mwasanga icibeseni, nokutontokanya ukutila cibilika. Kuti mwasanga icintu cimbi, kuti mwasanga iboloko, nokutotonkanya ukutila cena cibilika.

²⁵⁴ Lelo ufwile ukwishiba ico ulefwaya. Kabili ne nshila fye imo iyo ufwile waishiba ico ulekonka, ico uleloleshapo; ngacakutila ulefwaya Yesu, iwe uli nokulolesha ku Cebo, pantu Ena e Cebo. “Yena e Yamo ayapela ubunte Bwandi. Mufwaya mu Malembo.”

²⁵⁵ “Mulanda ukutila muli...muli abacetekela aba bakasesema, lelo muli bakwa shinwe ciwa. Bashinwe, abo abasosa ukutila; ilyo Lesa atumine bakasesema kuli bena, alibabikile mu nshishi. Bena—bena bepaya bakasesema. Onse uyo wisa,” Yesu atile, “niwisa pali balya ba shinwe tabapolele amabwe? Kabili ne milimo yaba wiso muli nokucita.” Ameni! Abantu abalungami, abantu ba mushilo, umuntu uo teti musontepo umunwe, kabili cibe Ena abetile “insoka ne fiwa.” Mwamona?

²⁵⁶ Cinshi ico ulefwaya? Nga ulefwaya umuntu umo uwa mucinshi? Abantu bamo batontonkanya ukutila pantu Mupashi wa Mushilo abombele ukupitila muli imwe, mulingile ukuba umo umutali, uwa mucinshi umuntu, ukulaenda ukwabula noku . . . Ulya te Mupashi wa Mushilo. Lesa tabombela ukupitila muli ba malaika nga filya, nangu alingile ukuba. Lesa abomba ukupitila mu bantu. Baibele yatila, “Eliya ali umuntu uwanakila kwati nga fintu ifwe twaba,” lelo imwe teti mube pamo nankwe mpaka mwamona Yesu.

²⁵⁷ Petro na Yohane, pa mpongolo iitwa ii Suma. Kabili lintu batintile bena kulya palwa bundapishi bwa ulya muntu, “Bena bailwike ukutila bali abakukana ishiba, abasha sambilila, lelo bena bailwike pamo ukutila bali pamo na Yesu,” mwamona, pantu u Mweo Wakwe ulelangisha ukupitila muli bena.

Nomba, cibafye paco uleloleshapo.

²⁵⁸ Umwanakashi abelengele Baibele. Alishibe ukutila kuli nokwisa Messiya, kabili alishibe ico ulya Messiya ali nokucita. Kabili lilya linefye Yesu atile kuli ena, “Mpelako ayakunwa.”

Atile, “Cena tacaba mulutambi.” Ena Muntufye.

²⁵⁹ Nomba, ngacakutila Aikele palya nafwala necakumutwe icikalamba icikulu, nafyonse ifya misango yabengeshima pali Ena, iya—iya muntu umo uwamushilo, mulandu nshi, umwanakashi nga atile, “Ukuba, shimapepo ali palya,” nokutwalililapo. Nangu, “Kuliko rabbi umo,” uwatwalilile.

²⁶⁰ Ukupyunga, icintu cimo cimbi; Nalimona umuntu ukwisa ukulya, ileelo, uko Naile mukulya. Kabili ulya muntu alishilemo, ena—ena alikwete ifyapindama ifyalinga ne fintu pali ena; cena cintu icisuma inshita shimo balya bantu balikwata cilya. Ndetontonkanya ukutila mulingile ukwikala ubumi. Tamulingile ukufwala ifyakufwala ifingi ifya bushimapepo, ukushininkisha ifyo mwaba. Inshita shimo balanwa, no kucita ifintu ifingi nganshi, no kupepa fwaka, ne fintu fyonse, bena balingile ukufwala ifyakufwala fya bushimapepo no kwishiba nangula bena ni kapyunga nangu iyo. Ico nacilungama.

²⁶¹ Ndemyeba, ifyakufwala fya mubomfi wakwa Lesa ifyo umuntu afwile ukufwala lubatisho lwa Mupashi wa Mushilo. Ico cifwile cakulangisha ukuba pamo na Yesu! Ico nachilungama.

²⁶² Nomba, tulesanga ukutila, ico cibafye paco uleloleshapo. Uwafwala bwino, ukuba-uwakanshiwa bwino, cimo icaba ngecakumfwala ku mutwe; tekuti umumone Ena, pantu Alifye u Muntu wabulapo nangu cimo. Lesa abombebe pamo no muntu. Yesu aali Muntu; Lesa aali mu Muntu, kabili Aali ni Lesa.

²⁶³ Nomba, tulesanga ukutila uyu mwanakashi, lintu amwene ici icishibilo cankama, ukuti enga Mweba ico acitile icalubana, nangu ico icali pa mutima wakwe, alishibe palya pene nomba ukutila ali ni Messiya. Eico, lintu aloleshe pali Yesu, amwene Messiya.

²⁶⁴ Messiya, imilimo yakwa Messiya yali nifinshi? Yali kwishiba inkama ya mu mutima. Bushe namucumfwikisha ico? Ndesunguka nga muli nokucumfwikisha. Nga kuti mwamufwaya Ena, muno bushiku, ni cinshi ico mwingafwaya? Ena kuti aba cimo cine. Messiya e Cebo, i Cebo! Kabili Baibebe yatila, mu ba Hebere chapitala 4, ukuti, “I Cebo cakwa Lesa calitwapo, camaka ukucila ulupanga ulwatwila kubili kubili, cilaputaula no kulekanya ifupa, kabili nici kalingulula ca matontonkanyo ayaba mu mutima.”

²⁶⁵ Kabili ilyo aishibe ukutila Messiya ali no kuba cilye Cebo ukulengwa ukumonekela, kabili kuti amweba ico cali icalubana na ena, ena alishibe ukutila ulya ali ni Messiya. Te fintu Ena afwala, te masambililo yanga ayo Ena akwete; lelo, ukupitila mu cishibilo ico Ena amulangishe, Ena ali ni Messiya. Ilyo amwene Yesu, amwene Messiya; Lesa mu Muntu, nge fyo alaile kuli ilya nkulo iyasubwa.

²⁶⁶ Lelo namwishiba? Abengi, muli shilye nkulo shimo shine isho Nalandapo, tabatalile mona cilye cintu. Abengi muli bena

tabacimwene. Cimo cine ne lelo. Abengi tabaishibe Mose. Abengi tabaishibe Eliya. Abengi tabaishi-. . . Tababeshiba mpaka baya, elyo bena bacishiba.

²⁶⁷ Uushacetekela amwene, mu nshiku shakwa Noa, cilyafye ico ukukanacetekela kwalolekeshepo? Nimyeba ifyo uwacetekela amwene, nomba lekeni tumone ifyo abashacetekela bamwene. Mu nshiku shakwa Noa, ni cinshi ico abashacetekela bamwene— ukumona kunuma kulya ilyo baloleshe? Bamwene “ishilu, icilubo ukushinguluka pa bwato ubo bwaleitwafye.” Filya fye fyeka efyo bamwene. “Umo muntu umukote uwafulungana ne myefu iya buta iyitali, uyo walufishe amano yakwe, kabili, ukususha ukufwailisha kwa sayansi ne cishininkisho, atile, ‘Kwaliba amenshi ku mulu kulya.’ Mulandu nshi, umuntu umukote umubusu!” Bali mumfwilile ubulanda. “Mupiteni; ena, aali nokwitwa uwapena nomba line. Alilufya amano yakwe.”

²⁶⁸ Lelo akwete i Cebo cakwa Shikulu. Alekuula aletwalilila, pali ico, na Lesa alelangisha icakushininkisha ukutila ilyeshi lyaleisa. Cena cali cishibilo kuli bena. Bena abo abashacetekela ilyashi lwakwa Noa baendawike mu mfifi, kabili nokushalikisha mu mfwa, mu menshi, namunshinshi yaku mbo.

²⁶⁹ Farao, aloleshe inshita imo. Cinshi ico amwene, nicinshi amwene Farao? Ena amwene “ishilu, uwitwa kasesema, na fingi ifyakuitunga ifwa kulubula.” Filya fye fyeka efyo amwene; kakanda wa matipa, umusha ukwiminina pakati ka bantu, nokulanda ukutila ena umwine atuminwe na Lesa mukucita ifisungusho. Mulandu nshi, batontonkenye ukutila ulya muntu alilufishe. . . Atile, “Kabiye, muleke atwalililepofye. Ena ali. . . Bena bakamwita ‘uwapena,’ panuma yakashita.”

²⁷⁰ Lelo akwete EFYA SOSA SHIKULU. Abacetekela, Aaroni, Yoshua, na bengi pali bena, bamwene Lesa muli Mose. Kabili ne milimo yakwa Lesa, Mose acitile, uyo wine emulandu baishibileko ukutila Lesa ali muli ena. Baloleshe nokumona Lesa muli Mose.

²⁷¹ Umuntu umukankala aloleshe nokumona bwino bwino Untu Aali. Mwamona? Lelo akene Ukumukonka, pantu atemenwe ifintu fya mwisonde, apakalamba, pakukonka Yesu.

²⁷² Ni banga abantu aba cuma abali no kumfwa pali iyi tepu, iya ulya musango! Taulingile ukuba uwanonka mu lupiya; iyo, kuti waba uwanonka mulunkumbwa, uwanonka mumailmene yauno umweo. Nibanga abaume, nibanga abakashana abaice, kabili nibanga abalumendo abaice, bashakashitsho ukwishibikwa kwabo pali namfumu umu uwa bulungani, nangu Ricky umu na banjo nangu gita, ukuya kunse no kusansamusha shimo inyimbo sha kushana kwa kuya kuntanshi nakunuma, nangu ukushana kumo uko acita! Nibanga pali bena bali nokupoka ifyuma fyabo ifyakwishibikwa, nokukana, ilyo bekala mulya mwine mukulongana no kumona Ukuboko kwa

kwa Lesa ukwenda no kulangisha i Cebo Cakwe! Ni banga abali no kucicita!

273 Asalile icilonganino cakwe. Kuti aikalila pali ico cine. “Yesu ali uwacilamo,” ku cilonganino cakwe. Eico cali limbi ukusenda ico Yesu alandile, nangu limbi ukusenda. . .

274 Mulandu nshi tailile kuli shimapepo wakwe, nokutilla, “Cinshi ico Ningacita pakukwata u Mweo wa Muyayaya?” Alishibe ukutilla shimapepo taishibepo nangu cimo palwa Ico.

Eico aishile kuli Yesu, nokutilla, “Cinshi Ningacita?”

275 Yesu atile, “Ulasunga amafunde.” Acibweseshwe bwino kuli ena muceni cakwe.

Atile, “Nalicita ico.”

276 Atile, “Alasunga amafunde.” Nomba, ena takwete u Mweo wa Muyayaya, kabili alishibe ukutilla takwete. Iwe kuti wasunga amafunde yonse, kabili wakana ukukwata u Mweo wa Muyayaya, cibe.

277 Eico Yesu atile, “Nomba ngaulefwaya ukucita icalungama, kabiye nokushitisha ifyo wakwata, kabili upele ku balanda. Ubwele, nokwisa Nkonka.”

278 Lelo ico calikulishe kuli ena. Mwamona? Tulesanga ukutilla aloleshe nokumona Untu Ali, lelo cibe akene ukusenda ico. Kabilli ukulolesha kwakwe ukwakonkelepo kwali nikumbo, ukulolesha kulya nokumona na Lazaro pa cifuba cakwa Abrahamu.

279 Pilato aloleshe, pa muku umo, lintu Bamuletele. Tatalile Amumonapo kunuma uku. Amaboko yakwe ayakakwa; umulopa ulekonkoloka ukufuma mu numa Yakwe; icilongwe ca myunga cabikilwe pa mutwe Wakwe. Pilato aloleshe, kabili ali uwashininwa.

280 Pantu, kabalwe aishile aletoloka mu musebo, nakenda wapali kabalwe atolweke ukufumapo, kabili abutwike nokutilla, “Pano, pali umukashi uukutumine inkalata.”

281 Kabili aloleshe pali yena, kabili atile, “Pilato, we mutemwikwa umulume wandi, wikwata nangu cimo icakucita noyo u Muntu umulungami, pantu ileelo Nculile ifintu ifingi mu ciloto pamulandu Wakwe.”

282 Atutwime. Amakufi yakwe yaleyuma capamo. Kabili atile, “Ngacakutilla Uli Mwana wakwa Lesa, ngacakutilla Uli Mfumu, mulandu nshi Tawingalandila bakumfwa? Bushe Iwe uli Mfumu ya kwa Israele?”

Atile, “Naulanda ico.”

Batile, “Twebe icine.”

283 Atile, “Ico eco Nafyalilwe.” Kabili Pilato asungwike. Ena. . .

284 Bonse, umuntu onse, alepapatila nokulilila pankasa shakwe. Atile, “Ninkwata amaka yakwipaya Iwe, nangu Ninkwata Ayakukufumya.”

285 Atile, “Taukwete amaka nangu yamo, kano yena yapelwa kuli iwe ukufuma kuli Taata Wandi.” Whew!

286 Mukwai, alishininwe ukutila Ali cililepo pa muntu. Alishininwe bwino bwino ukutila Ena alicililepo pa muntu. Icine cine, ali. Lelo (cinshi?) ifikansa fyacalo fyakwe nokwishibikwa fyali ifikalamba nganshi. Mwamona, amukene Ena. Ukwishibikwa kwakwe kwali ukukalamba nganshi. Ifikansa fyacalo, icifulo cakwe mu mweo wakwe, cali icikalamba nganshi, ukupokelela yu uushakwata nangu cimo.

287 Ndesunguka nibanga ba Pilato balinokukutika kuli ici, ukutila icifulo cobe mu cilonganino cimo cili nokuba icikalamba nganshi, ukupokelela uwacine Shikulu Yesu ukwiminina mu cifulo ico Alimo ileelo.

Umushilika waci Roma, pa lupanda, aloleshe pali Yesu.

288 Panuma isonde lyakwete ukwiminina ku mwenso, lyasunkene mpaka amabwe yakunkulwike ukufuma mu mpili. Kabili akasuba kaliwile pakati ka kasuba, kabili kalifitile. Intanda tashafumine ukupela ulubuuto lwashiko. Ne sonde lyalepwike na mabwe necinkukuma. Ne nkuba shanyongana shabyatile mu lwelele; nokulepula icipembe ce tempele ukufuma pamulu ukufika panshi. Kabili, abantu balebutuka no kupunda, bena tabaishibe icacitike.

289 Kabili ulya umushilika waci Roma uwa afwilishe ukumupopela Ena palya, apushishe ulupanga ukupita mu mutima Wakwe, elyo aloleshe, lelo inshita yali naipwa kale. Aliloleshe no kucetekela, lelo inshita yalipwile kuli ena ukucetekela. Ico acitile calikakatike uboni bwakwe; apushishe ifuumo mu mutima wa Mopusushi. Inshita yalipwile.

290 Ndesunguka ni banga abena Roma ileelo abacita icintu cimo cine, kabili bali nokucita icintu cimo cine. Iwe limbi kuti walolesha, ubushiku bumo, lelo cena kuti camoneka ukutila inshita naipwa. Abengi ileelo bakesa muli bulya bushiku nokuba mu nshila imo ine. Bena baishiba.

291 Munyina Wood pano; mailo. Ndelandafye ici pantu cena caba muli iyi Mbila. Kwisamba kuno pa Kampani ka Slider, umwina Katolika waci Roma uwaikele palya. Aile kulya mukusenda indaka sha chalichi pano, kabili, ilyo acitile, amwebele uko aleshifwaila ukushibomfya. Kabili Katolika waci Roma atile, “Bushe ulya ni Munyina Branham?”

“Ee.”

292 Atile, “Nalalanda icintu cimo; lintu apeepa, Lesa alasuka amapeepo.” Mwamona?

293 Ndesunguka nomba, ukwishiba ico, ukumona ukushininkishiwa ukutila cena mu cine ni Mbila nsuma, teine; umuntu onse uleiminako Kristu. Cena Cebo eco tulelandapo te muntu.

294 Cinshi ico ndeesha ukusosa? Bushe ici, cilya, bena balamona palwalala i Cebo icashininkishiwa, nga filya Pilato na bonse abashala bacitile, ngo mushilika uwa ci Roma, lelo muli no kulolela inshita itali sana ukucita icintu icili conse palwa cena? Ena nga abomfеше ifumo kulubali lumbi. Ifibi fikesalwa, nga filya cali mu nshiku shakwa Noa, kabili lyena inshita yapwa. Kuti mwabuka ulucelo lumo, no kutila, “Ndefwaya ukufuma muli ici cimfulunganya.” Taufwile ukulolela panshita ntali. Ufwile walolesha nokwikala nomba.

295 Luther aloleshe ukufuma mu cilonganino ca Katolika. Cinshi ico amwene? Ni Ntumba ya Mulilo. Amwene ichalichi icaba ceka.

296 Wesley aloleshe ukufuma ku cilonganino ca Anglicani. Amwene icintu cimo cine.

297 Ba Pentecosti baloleshe ukufuma ku filonganino fyonse. Kabili cinshi ico cali? Abikalamba, abantu ba maka ayakalamba.

298 Nicinshi ico bonse pali bena bacitile? Ilyo abatampile, Luther, na Wesley, na bena, kabili ilyo balolesheko no kumona ifyo bacitile no kutendeka; abana babo, ukwisa kunuma yabo, baloleshe kunuma uko bafumine, ukufuma mu cilonganino, kabili basendele lilya ibumba lya bantu ukubwelela fye mucimfulunganya cimo cine ico bafuminemo.

299 Cinshi ico uleloleshapo? Abasangile balalololesha mukulungama. Lelo abantu, abakonka bena, baloleshe kunuma kuco bakasanga bafumineno, nokucita bwino bwino ico bakene; uwasubwa umo uwakwa Lesa.

300 Namwishiba, Mfwile naangufyanya, pantu Ninkwata umulongo wabakupepelako uleisa, kabili Ninjishiba imwe mwebengi mwalaya.

301 Ubushiku bumo Naloleshe. Namwene i Cebo ukupangwa mumubili. Namwene Alifa na Omega. Nshatalile mona fitatu ifili fyonse, fine, nangu fisano; Namwene Cimo. Namumwene Ena nga Kapususha wandi. Namumwene Ena, i Cebo. Namumwene Ena, Ulubuuto. Namumwene Ena, Lesa Uwamaka yonse. Namwene Lesa muli Ena. Namwene i Ntumba ya Mulilo. Namwene, muli Ena, filya fine ifyo Baibele yatila Ena aali. Namwene ukutila Ena ali ni Alifa na Omega, ukutila Ena ali ni Ntumba ya Mulilo. Ena ali cimo cine mailo, ileelo, no muyayaya. Namwene ukutila i Ntumba ya Mulilo yalandile, kuli Yohane ukutila, “Ukubapo Kwakwe ukushifilwa.” Nge fyo alandile muli Yohane, kulya lubali, “Kabili Ukubapo Kwakwe ukushifilwa takwakatale ukukusha.” Munyina, itontonkanyo lyandi muno bushiku, imba lulya ulwimbo:

Lolesha ube no mweo, munyinane, ube
nomweo!

Lolesha kuli Yesu nombamba ube no mweo;
Pantu calilembwa mu Cebo Cakwe, alleluya!
Caba fye ukutilla iwe “lolesha ube no mweo.”

302 Lolesheni! Cinshi ico mulemona? Bushe mulemona ukulubulwa? Bushe mulemona ifyo Ena aba? Lolesheni ukupitilla mu Cebo nokumona fintu Ena aali, nombamba imwe mwalolesha ukupitilla mu Cebo cimo cine nokumona ukuti Ena aba cimo cine ileelo nga fintu Ena aali lilya. Ena cipasho ica nsoka ya mukuba mu matololo, pa mulandu umo wine, ulubembu na malwele.

303 Yuda aloleshe, ubushiku bumo. Kabili ilyo aloleshe, panuma ilyo akwete ukulolekesha bwino pali Ena...Ena alelolesha fye pa cuma, ilyo takulaba cilya, impoto ya ndalama iyo bakwete. Lelo ubushiku bumo ilyo alolekeshe no kumona Yesu, namwishiba ico amwene? Alimwene ukutilla ali no mulandu. Amwene ukutilla tali uwalinga ukuba no mweo, kabili aliikulike umwine.

304 Ulucelo lumo, lumo pa nshiku ishikalamba nganshi mwi lyashi lyonse ilya kale. Mukwisala, Ndelanda ici. Kuliko icintu cimo icilecitika mu Yerusalemu, kabili pa muku fye umo ibumba lya bashilika lyaisa kulya ku—ku cifungo. Kuti naumfwa ukulilla kwa—kwa minyololo; ukumfwa ukukula kwe fuomo pamusebo.

305 Nani uuli mulya? Ni Barabbasi. Ali uwaipékanya ukufwa. Ena mupupu. Taba umusuma. Cipondo. Nikepaya. Ali nokufwa.

306 Icintu cakubalilapo namwishiba, atile, “Ukuba, iyi empela yandi kuli ine. Muno lucelo balankulika intambo mu mukoshi.”

307 Icintu cakubalilapo namwishiba, malonda alaisula iciibi, “Nokufumya, Barabbasi.”

Afumine nokutilla, “Ukuba, Ndetunganya iyi ine empela.”

Atile, “Barabbasi, iwe uli muntungwa mukupwililika.”

“Cinshi? Ndi cinshi? Ndi. . .”

“Umuntungwa mukupwililika! Uli muntungwa,” Natile.

Atile, “Kuti Naba shani umuntungwa?”

308 Atile, “Ukuba, isa kuno, Barabbasi, lolesha *kulya* pamulu. Wamumona ulya Muntu uulefwa palya? Ewabalile icende yobe.”

309 Ndesunguka nga ifwe bonse, muno bushiku, kuti twalolesha no kumona ifyo Baraaba amwene, umo muntu ukusenda icifulo cesu? “Alashilwe pa bupulumushi bwesu, afwantilwe pa ma mpulu yesu. Ukulimunwa ukwa kumwenamo umutende wesu kwali pali Ena; na mufipumo Fyakwe,”emo Naundapilwe, emo mwaundapilwe. Ndesunguka nga cakuti ifwe, bamo aba milandu, abo abalingile ukulwala, kuti twamona muli Ena ukulubulwa kwesu? Iwe weulingile ukuya ku mbo; ukumona

muli Ena ubuntungwa, i passo lyakuya ku Muulu. Ndesunguka nga kuti mwamona ifyo Barabba amwene pali bulya bushiku?

310 Atile, “Pakashita akanono kabili isonde talyaka Mone nakabili, lelo imwe muka Mona.” Oh, mwe chalichi! Nomba, nga cakutla Ena atile, “Imwe muli nokumona Ine,” cena cishininkisho ukutla imwe kuti mwalolesha nakabili. “Imwe muli nokumona Ine, pantu Ndi nokuba pamo naimwe, nangufye muli imwe, ukufika nakumpela ye sonde.” Lilali? Musango nshi mu Mumona? Pa Cebo. Ena e Cebo. Lolesheni pa Cebo nokumona ifyo ubulayo buli, pantu Ena aba cimo cine mailo, ileelo, no muyayaya.

311 Fintu Ali lintu Aingile mu Galili, eflyo Ali cimo cine muno bushiku mu Jeffersonville, icintu cimo cine eflyo Ena ali pa Branham Tabernacle. Cinshi ico mulelolesha ukumona, uwatampile, umuntu wa cilonganino? Tamwakatale ukucimona cena muli Yesu. Bushe mulelolesha ukumona bumo bushimapepo ubukalamba? Imwe tamwakatale mona cena muli Yesu. Iyo. Musango nshi mulemona Yesu? Ku Cebo cakwa Lesa ukulangishiwa, pantu Ena ali i Cebo cakwa Lesa icalangishiwa. Ifyo Ena ali lilya, Ena eflyo ali muno bushiku, kabili akaba umuyayaya.

312 Natukontamike imitwe yesu pakashita akanono. Nalaipifyako ici.

313 Shikulu Yesu, epepo lyandi, lekeni ndoleshe ukufuma ku masakamiko ya bwikashi. Shikulu, Ine—Ine ninjishiba tulifye abantu babafye, abashasambilila. Tatwakwata ifyuma ifingi ifya muli lino isonde, lelo twali Mitemwa, Shikulu.

314 Kabili Ndelandilako aba bantu. Teti bekale muncende yaba ngefi, nokutitikana kabili ukukwesana, nokushinguluka mu mabumba; no kwikala, ukulapya, mu—mucikabilila; nangu ukutalala mu mpepo, no kwiminina mu i . . . kabili ukuleta abana babo na bena, abalwala naba cushiwa, ukwisa ukushinguluka; nga baisa kuno mukumona icintu cimbi icishili Imwe. Balya bantu, Shikulu, tekuti bese mukumona umuntu. Kwaliba abantu abengi mu musebo; bena bonse bamoneka fye abapalana.

315 Lelo beshile mukumona ulya Muntu, ulya u Muntu wakwa Lesa, ulya Yesu waku Nazareti uwa mumubili, ukuba Lesa. Nomba, Taata, Mwalitweba ukutla, “Pakashita akanono, kabili isonde talyaka Mumone nakabili,” temulandu nefyo bakalolesha, tabakatale Cimona. Lelo Imwe mwatile, “Imwe mukamona Ine,” uwacetekela uwa cine, “pantu Nkaba naimwe, kabili muli imwe, mpaka ku mpela ye sonde.” Mwalitulaya, nga twalolesha, kuti twamona. Kabili Ndepepa, muno bushiku, ukutla Imwe mwalafikilisha lilya i Lembo kuli ifwe nakabili muno bushiku, pakutla twingalolesha no kumona Yesu ukuilenga Umwine ukwishibikwa kuli ifwe, mu musango

umo wine uo Ena lyonse acita, ukufikilisha i Cebo Cakwe, ukufuma ino nshita ukuya kuntanshi, Shikulu.

³¹⁶ Kabili Nalilandile, ilyo ici tacilaba, kabili Mu cine natile ifi fintu filefuma mu mitima wandi, palwa Fitinto, kabili Imwe mwalinjebele. Kabili nomba, ukuba icishinga londolwa bwino ngefyo cilemoneka, nga cakutila kuti twashina kampingu wesu uwamukati, nokumona ukutila filya fintu tekuti filandilwe libela, mukupwililika nga fintu fili, kano cena cafumine kuli Lesa.

³¹⁷ Musango nshi twingamona cilye cintu ica Ntanshi ukucitika? Musango nshi ica Bubili cingacitika? Musango nshi ica Butatu cingacitika? Musango nshi twingeminina pano, imyeshi ilyo tacilacitika, no kulanda ico cali no kucitika mu Tucson? Kabili ali no kwisula Ifikakatikilo Cine lubali, no kubwasha icankama, no kusokolola ifintu ifya fiswa ifyakwa Lesa, ifyo ifyafiswa ukutula ukutendeka kwa nshita. Kabili ukumona cena, fyonse fibili ukupelwa ubunte, ukubelwa bukambone, ukushininkishiwa na sayansi!

³¹⁸ Shikulu, Imwe muli cubo cesu no maka. Imwe nimwe fyonse ifyo twakwata. Kabili Nde Mitotela, pa, Shikulu, ukuba iciputulwa ca ubu ubunonshi ubukalamba u Bwenu. Nde Mutotela, pa kuba membala uwa Mubili Wenu, pamo na bengi muno ababa ba membala aba ulya u Mubili, abengi bonse ukufuma ukupitila mwi sonde mu machalichi yalekana lekana, abo ababa niba membala ba Mubili wa lulumbi uwakwa Kristu.

³¹⁹ Inshita yonse tulolesha, tumona Ena! Tumona Ena lintu ifyuni fileimba. Tumona Ena lintu akasuba katula, nangu lintu kalewa. Tumumfwa Ena mu nyimbo. Tumumona Ena mu bantu Bakwe. Tumumona Ena mukulangisha i Cebo Cakwe.

³²⁰ O mwe Shikulu, Imwe muli Lesa wesu. Kacelo celo twita pali Imwe. Imwe muli Taata wesu uwa luse. Tweleleni ku filubo fyesu.

³²¹ Shikulu, ifwe tuli pa nshita ya mpela. Nimona ifibi fili no kwisalwa nombaline, ifibi ifye shuko. Kabili ilyo kucili akasuba kabili Ine nalyo line kuti naingila muli shimo ishi ncende, Shikulu, ngafwilisheni ukuya. Ndeya ndekota; mpeni amaka. Ukubweshapofye bu musepela bwandi, Shikulu. Ngafweni, ukutila Ninga cita icintu cimo kunse kulya, nomba, ico Ndelolela iyi nshita ikalamba ukwisa, iyo ili no kuba pano. Ngafweni, Shikulu, ilyo Ndeya kunse, pa kuti Ningaba uwalinga, mu nshila imo, ku kwikata lulya u Lubuto ulwa kulekelesha ulwalingilwa kalibela, ico cikaleta Shikulu Yesu. Ngafweni, O mwe Lesa!

³²² Kabili nga Ndebika umufula uo umbi akemininapo, fikilisheni, Shikulu, ukuti nomba line cena cili nokucitika, ukuti i Cebo cinga fikilishiwa.

323 Ukukabila kwa mitima yesu kumona i Cebo Cenu ukufikilishiwa. Twali Mitemwa. Twali Micetekela. Pakati ka kukana cetekela, abantu abakutwishika, inkulo iya—iya—iya ifyo twakwata ileelo, Shikulu Lesa, ifwe tucili tulecetekela ukutila i Cebo Cenu tacakatale ukufilwa. Ifwe twalicetekela, ukutila, “Imyulu ne sonde fikapita, lelo Cena tacakatale filwa.” Ifwe tuleiminina mukushipa pali Cilya.

324 Nomba, Taata, kuli ili bumba ilinono ilyo lyalolela. Muli abengi abalwele muno. Kabili kuti kwaba abashapusushiwa muno. Abantu abo abapusushiwa, lelo nomba tabalaisushiwa na Mupashi wa Mushilo. Shikulu Lesa, lekeni Imwe mwise pa cifulo, ku Cebo Cenu ica bulayo, ukutila abantu bakalolesha no kumona Yesu, kabili nomba nokufukama panshi nokupela imitima yabo kuli Ena. Lekeni abalwele baloleshe no kumona ukutila cena tacingacitwa pa cintu cimbi ukucicita, ni Lesa fye eka, pantu cena bulayo bwa Cebo Cakwe.

325 Ifyo tulandile ileelo, shonse i Mbila, lekeni cishininkishiwe nomba. Fyonse fili mu maboko Yenu, Shikulu. Kabili Ndi mu maboko Yenu. Kabili u—ulukuta luli mu minwe Yenu. Ukubomba ukupitila muli ifwe, Shikulu, ukucindika i Shina Lyenu ilikalamba. O Mwe Muyayaya, peleni ici ku bukata bwakwa Lesa. Amen.

326 Ninjishiba nakukaba, kabili Ndefwaya ukupepela abalwele nomba. Kabili nga kuti mwampelako nalimo ama miniti ikumi limo na yasano, amakumi yabili, Nshishibe niyanga amakadi ayo bakwete, lelo twalatendeka fye no kupepela abalwele.

327 Nomba, Billy acinjeba ukutila acipela, caciba ni cinshi? [Umo atila, “Cimo ukufika ku mwanda umo.”—Kale.] Umwa-... Cinshi, cinshi? [Umo muntu aasuka.] Cisuma. Cisuma, katutampe. Acitila acipela ukufuma pali cimo ukufika ku mwanda umo. Nibanga abakwete ifitupa fyakupepelwapo muno? Imyeni amaboko yenu; ifitupa fyakupepelwapo. Cisuma, kuliko impendwa iisuma. Ifwe twalaesha ukwisa ku fintu fyonse ifyo twingacita, nga kuti twacita. Nomba, teti tukwate ukulingulula pali bena bonse, namwishiba, eico twalapepafye. Kabili, cila muntu, ni banga muno abashikwete icitupa ca kupepelwapo, kabili nomba na mulwala? Imyeni ukuboko kwenu. Bengi.

328 Nomba, lolesheni. Cena ni cinshi? Nomba, Ninjishiba, ifwe kuti twaba a—abacelwako panono pa butantiko, palwa ba miniti ikumi limo na basano, lelo Ndefwaya ukulanda ici cintu cimo. Cena limbi kuti caba ubupusano pakati, pano, ukwikala u Muyayaya ku Muulu nangu ku Mbo. Mwamona? Lolesheni, mube abamucinshi nokumona, pali miniti, umfweni ku Cebo, nokumona nga Ena acili ni Kristu.

329 Nomba, umuntu onse pano limbi alinjishiba. Kabili abengi pali imwe Nshibeshibe, pantu Nshiba kuno panshita iikalamba

ukuti imishibe. Kabili mwebengi imwe mufumine kunse ya musumba. Nibanga abantu bafumine kunse yamusumba, imyeni amaboko yenu. Mwamona?

³³⁰ Nomba, Nalipwishe umuntu umo kulya mu musumba, ubushiku bumbi, Natile, “Bushe walitala ukwisa?”

³³¹ Atile, “Takuli ubukabilo bwa ifwe ukwisa.” Atile, “Kuliko abengi nganshi abafuma kunse ya musumba, abo abafika kulya, ifwe tekuti twingilemo.” Mwamona?

³³² Lelo cilya cili—cilya cili fye bwino. Twalabapangila inshila ya bena ukwingilamo. Imwe iseni, ifyo fine. Moneni, bena balikwete ishuko ilyo tamulacita ico. Ee.

³³³ Nomba ibukisheni, nomba, Ndi fye munyinenwe. Mucine muleiluka ico. Ndi muntu; Ena ni Lesa. Lelo Lesa kuti abombafye, kabili lyonse alabomba, kabili abombelefyeye, ukupitila mu muntu. Nomba lolesheni muno bushiku, tekuli ine nangu ku muntu onse umbi, lelo lolesheni kuli Yesu Kristu.

³³⁴ Nomba lolesheni muno bushiku pa Malembo, ifyo Yena yalaile. Nibanga muli imwe... Ine kuti napelafye imisango yonse iya Malembo, lelo nibanga abali nokucetekela fye Aba Hebere 13:8, ukutula, “Yesu Kristu aba cimo cine mailo...”? Kabili nibanga abacetekela Yohane 14:12, “Imilimo iyo Ncita na imwe mukacita”? Mwamona? Nibanga abacetekela ukutula Ena alilaile ukutula ifintu fine ifyo Ena acitile, mu musango uwa “kulingulula amatontankanyo mu mutima,” ali nokubwela nakabili mu bushiku bwa kulekelesha lintu fye Ukwisa Kwakwe takulabako? Uh-huh. Mucine. Ifwe bonse twalicishiba. Cisuma. Oh, ni inga na imbi, imyanda ne myanda ya Malembo, lelo twalicishiba!

³³⁵ Nomba lolesheni. Mwilalolesha ukumona kapyunga. Mwilalolesha ukumona kakumba. Mulelolesha ukumona Yesu. Mwilamona umuntu; mulemona Yesu. Ilyo mwalolesha, mulemumona Ena. Nga kuti Namyafwilisha, kuti Nacicita, lelo tekuti Ncite. Ine tekuti mwafwilishe; Ndi fye munyinenwe. Lelo, Ena ni Shikulu wenu, lolesheni kuli Ena no kucetekela. Cisuma.

³³⁶ Nomba natutampe ne citupa ca kupepelwapo ica nambala... Ukuba, twalatampila ukufuma pa nambala wacimo. Nibanga... Impendwa yacimo, ninani akwete icitupa cakupepelwapo impendwa yacimo? Imyeni ukuboko kwenu. Ili kwisa? [Munyina atila, “Kulya kunuma kulya.”—Kale.] Mulepilibula icenu... [“Ena naiminina.”] Bushe cilya caciba? Oh, Munjeleleko. Cisuma. Nambala wacimo, isa pano, namayo, nacilungama... Ninshila nshi ulefwaya ukubaletelamo, muli *iyi* nshila? Cisuma, iseni fye *kuno* kwine, nga—nga imwe kuti mwaenda. Nga umuntu uuli onse aitwa nomba, uyo uwalemana, bamo pali ifwe balamwafwilisha ukumuleta pamulu. Nambala wacimo.

337 Icabubili, ni nani akwete icitupa ca kupepelelwapo ica bubili? Imyeni ukuboko kwenu, bwangu bwangu nge fyo mwinga cita. Ica bubili, ni kwisa uko cili? Nshilecimona. Ni kwisa? Munjeleleko, Ine—Ine tekuti. . . Kuno kwine, namayo.

338 Ica citatu, bushe kuti mwaiminina, nangu icintu cimo? Ico nacilungama, ica citatu.

339 Icalenga bune. Icitupa ca kupepelwapo impendwa ya bune, bushe kuti mwaimyako ukuboko kwenu? Cena ni kwisa? Nshilecimona. Icitupa ca kupepelwapo impendwa yabune. Watila shani? Inambala yabune.

340 Inambala ya busano. Ninani uukwete inambala ya busano, kuti waimyako ukuboko kobe? Nshicimwene ico. Inambala ya busano.

341 Inambala ya mutanda. Inambala ya mutanda. Mukwangufyanya, mukwangufyanya, inambala ya mutanda. Cisuma.

Cinelubali. Imwe, cinelubali? Cisuma. Ico cili bwino.

342 Cine konse konse. Cine konse konse, mukwangufyanya nombamba. Imeni, bwangu bwangu. Cisuma, cine konse konse. Ico cisuma, mukwai.

Pabula. Pabula, cili kwisa? Inambala yalenga pabula. Cisuma.

Inambala ye kumi. Ikumi, cisuma, ikumi, pano pene. Ikumi.

Ikumi limo na cimo, ikumi na fibili, ikumi limo na fitatu, ikumi limo na fine, ikumi limo na fisano.

343 Kabili tatwaite abengi nganshi, pakuti mukwate. . . Mwamona, umulandu tucitila ifi. . . Cena citupafye ne nambala pali cena, mwamona, kabili imwe kwisafye ukubomfya iyi inambala. Efisunga umutande.

Ikumi limo na fisano. Icitupa ca kupepelwapo ikumi limo na fisano. Cisuma.

344 Ikumi limo na mutanda, ikumi limo na cinelubali, ikumi limo na cinekonse konse, amakumi yabili, amakumi yabili na cimo, amakumi yabili na fibili, amakumi yabili na fitatu, amakumi yabili na fine, amakumi yabili na fisano.

345 Lekeneni bese, tantameni nombamba, amakumi yabili na fisano, mpaka mukwate umulongo wenu ukukula. Iminineniko nombamba ukulingana ne mpendwa yenu. Ico cili bwino. Mwi isa bonse pa muku umo. Iseni kunshila imbi, nga kuti mwacita ico, nga cakuti muli muli iyo nshila, nokwisa. Nombamba amakumi yabili- . . .

346 Ni cisa ico twaciita, amakumi yabili na fisano? [Munyina atila, "Amakumi yabili na fisano."—Kale.] Cisuma, natutushe pa makumi yabili na fisano, pali miniti fye. Cisuma.

347 Nombamba Ndetila, nga tamulefwaya ukwiminina panshita ntali, ilyo mwamona cilya ukwisa panshi, lyena muli no kwisa

fye pamo na bena; amakumi yabili na fisano, amakumi yabili na mutanda, amakumi yabili na cinelubali. Ukuba, cisuma, loleleni, lekeni umulongo ucepeko panono, tamwakabilwe ukwiminina sana, panshita ntali.

Nomba natukontamike imitwe yesu.

348 Oh, mwe banandi, nomba ni cinshi? Nomba ni pesa apo tubelele? Nomba ifwe tuli pa—pa mpela. Ifwe tuli pa nshita ilyo icintu cimo cilingile ukucitwa, atile “ee” nangu “iyo.” Lesa alingile ukusangwa uwalungama nangu mucilubo.

349 Nomba, ileelo Ninshimikila imbila shibili, na maka, ukweshwa ukumweba ifyo Ena aba, ukumweba inshita naipalama; ifyo Ena aba, ifyo Ena ali. Kabili nomba ilyo twalolesha, muno bushiku, lekeni tulolekeshe pali Ena.

350 Nomba, umuntu onse, mwi Shina lyakwa Shikulu Yesu, wisela mucicipuna cobe nomba. Wisunkana. Ikaleni shilili mpaka mwaitwa. Lekeni abana abanono. . .

351 Nomba, nga kuti Nalanda ukuti, “Kontamikeni imitwe yenu,” ciciteni bwangu bwangu, mwebatemwikwa, pantu ifintu fyabipa filafuma, ifyapala ipwalonda na malwele, kabili fifuma ukuya pa bantu, nokwingila muli bamo. Bonse abo abacetekela ico, kabili balishiba ukuti cena Malembo, tileni, “Ameni.” [Ulukuta lwatila, “Ameni.”—Kale.] Tulesanga, muli Baibe, ukutula imipashi shakowela shafumine kuli umo ukuya ku munankwe, ilyo shena shatamfiwe. Kabili shena shilesa ukusanga icifulo.

352 Kabili miku inga iyo twamona ico mukulongana! Abantu balesa mukulongana, ababumi ubusuma kabili abatuntulu, ukwikala kulya no kususha; kabili, ubushiku bumo nangu shibili panuma ya cilya, basangwa mu bupofu umupwilapo, nangu ukumwa ne pwalonda, ubulebe. Mwamona, pantu bena bali abashacetekela. Ine nshili uwashingamwa pali bena; ni paba cetekelafye epela. Abengi muli bena baile mucipatala, imyaka ingi iyapitapo, kabili bacili kulya, bamo baile ku nshishi yabo, umulandufye wakuba abatalama, ababula ukucetekela.

353 Takwaba incende ya ushacetekela nomba. Yena ni ncende ya bacetekela. Kwateni icitetekelo muli Lesa!

354 Shifwe uwa mu Muulu, nomba ukulongana Kwenu; kwena kwaliba Kwenu, inshita fye yonse. Nomba, kuti Nalanda pa Cebo Cenu; lelo nomba, ukufuma nomba ukuya pantanshi, te kuti Nsose. Nimwe Umo Uwalalanda nomba, Shikulu. Lekeni cishibikwe ukutula umubomfi Wenu alibeba bena Icine. Lekeni abantu muno, nalimo abengi bali muno abalwele, kabili tababe na mu mulongo wa kupepelwa, lelo Imwe mucili muno, Shikulu. Imwe kuti mwaundapa kunse kulya, pamofye ngefyo Imwe mwingondapa ukuli konse. Lekeni i Cebo Cenu cishibikwe, mwi Shina lyakwa Yesu, Napepa. Ameni.

355 Nomba nga kuti Nakwata ukuposako amano kwenu ukushakanikanamo pakashita. Ndefwaya ukulolesha muli uyu umulongo wakupepelwa. Ine mucine nshilicetekela Ninjishibamo umuntu umo. Bushe muli, muli uyu mulongo wakupepelwa, bonse abeni kuli ine, nawishiba ukutila Nshakwishiba? Imya amaboko yobe nga eflyo uli. Bena beni. Nibanga kunse uko abeshibe ukutila Nshaishibapo nangu cimo palwa imwe? Imyeni amaboko yenu, kunse uko, mwamona. Mucine, icipendo amakumi pabula na fisano ica bantu muno, Nshibeshibe. Ico cishinka.

356 Nomba apa pali umwanakashi umunono, Nshatala mumonapo mumweo wandi. Mweni nganshi kuli ine. Nomba, ena limbi kuti abelele pano kubulwele. Ena limbi kuti aba pano... Limbi alicitapo icintu cimo. Limbi ali muno pafya mpiya. Limbi bwafya bwapa ng'anda. Nalimo ali muno ku muntu umbi. Nshishibe. Nshikwetepo ubwishibilo.

357 Lelo ici apa icikope icili muli Yohane Washila, chapitala 4, umwaume no mwanakashi bakumana pa nshita yakubalilapo. Kabili ukwabula ukutwishika, ukuti, umwanakashi umusepela uyo wakumenye Yesu, Ena ali umukalambapo ukucila ena, pantu, "Ena," batile, "Ena amoneke ukuba amakumi yasano, nangu ukucila amakumi yasano," kabili limbi fye umwanakashi uwa caice uwaemba uyo wali kulya pa cishima, ali fye umukashana uwacaice. Kabili pano nakabili, muno bushiku, abantu babili balakumana, umwaice na umukalamba, ukwabula ukwishibana umo no munankwe.

358 Kabili nomba ena naiminina kulya. Kuli umulandu umo abelele palya. Nshishibe. Ena limbi kuti aiminina palya, nga kabepa. Ena limbi kuti aiminina palya, alelanda icintu cimo, lintu cena tacili, ukumonafye ico icili nokucitika. Nga cakutila cena cili, imwe moneni icalacitika. Mwamona? Mwamona?

359 Nomba, Nshamwishiba namayo; Nshatala mumonapo. Acimya fye ukuboko kwakwe, pakashita akapitapo, ukutila Ndi umweni kuli ena. Kabili Ninjimya ukuboko kwandi, ena mweni kuli ine. Nshatala mumonapo. Cisuma, nomba nga Ine . . .

360 Nga umwaume fye, kuti Nalanda, "Namayo, bwafya nshi ubuli na iwe? Cinshi ico ulecita kuno? Cinshi ico ulefwaya?"

361 Kabili ena kuti atila, "Mista Branham, Ndi—Ndi kuno pantu Nda—Ndacula ne—ne pwalonda. Ndacula na TB. Ndacula na cimumena." Nangu, "Nshikwete indalama. Ine . . . Umulume wandi alinsha." Nangu, "Ine nshaupwa, kabili cibusa wandi umwaume eflyo acitile." Ena afwile anjeba.

362 "Ukuba," Ine kuti natila, "cisuma, Nala—Nala—Nala kupepelako; no kubika indupi shandi pali iwe, no kutila, 'Shikulu Lesa, peleni uyu mwanakashi ifyo alefwaya. Ameni. Yesu, ciciteni!'" Leken i aleya. Ukuba, Ndetunganya, nga

acicetekela cilya, ena kuti aba umutuntulu. Cilya cili fye bwino. Bulya bwaba bupyungishi pa ingi, imyaka iingi.

³⁶³ Lelo calilailwe, munshiku shakulekelesha, ukutila nga Malaika, Lesa, aleikala mu mubili wa buntu uyo waishile lintu fye Sodomu tailaocewa, kabili Aikele ne numa Yakwe iyafutatilwa kwi tenti uko Sara aali, no kweba Abrahamu ifyo aletontonkanyapo mwi tenti; Lesa, mu mubili wa muntu, ukufwala ifyakufwala fya muntu.

³⁶⁴ Kabili iyo ine enshilafye imo iyo Lesa enga cicitilamo ileelo, ni lintu Ena aingila mu mubili obe, mwamona, ukulangisha ukutila Lesa ali no kumonekela mu mubili wa buntu.

³⁶⁵ Yesu atile, “Nge fyo cali mu nshiku sha Sodomu, eflyo cikaba na pakwisa kwa Mwana wa muntu.” Twalikwata inkombe, Billy Graham na bena kulya mu Sodomu, lelo i Chalichi casalwa capokelele i Mbila kabili ne nkombe.

³⁶⁶ Nomba, nga cakutila uyu namayo munono . . . nga cakutila Mupashi wa Mushilo . . . Mwisosa ukutila Ena ali no kucicita, lelo nga Ena ali no kwisa no kunjeba ifyo iwe wimininepo pano, nangu—nangu ico ulefwaya, nangu icintu cimo ico wacita, nangu icintu cimo ico uli nokucita. Mulandu nshi, iwe kuti waishiba ukutila cena cilingile ukufuma ku ntulo imo iyapulamo, pantu twimininefye pano, mwamona. Ico kuti caba icalungama, bushe tacili ifyo? Nomba iwe kuti mwaishiba ukuti cena cifumine ku maka ayapulamo. Kabili nga Baibele yalanda ukutila Yesu acitile icintu cimo cine, no kulaya ukucicita nakabili mu nshiku sha kulekelesha, lyena iwe kuti wacetekela ukutila caciba ni Ena. Nibanga abenga cetekela icintu cimo cine? Lyena kuti mwamona Yesu. Imwe kuti mwamona i Cebo Cakwe.

Nomba mwatila, “Bushe Ena e Cebo?”

³⁶⁷ Baibele itila Ena e Cebo. Kabili Baibele itila ukuti i Cebo cilalingulula amatontonkanyo ayo ayali mu mutima. Bushe ico cishinka? Elyo cikaba i Cebo icalandwa ukupitila mu milomo ya buntu, ukulingulula amatontonkanyo.

³⁶⁸ Nomba, tekuti Ncite. Nshakwata inshila iya kucicitilamo, mwamona, pantu Nshamwishiba; lelo Ena alacita, kabili Ena e Cebo.

³⁶⁹ Kabili Ena e Umo uwingasenda imipashi yesu ibili, nga filya umwanakashi pa cishima, kabili Ena, no kuisuntinkanya; kabili nomba nokuya nangafye ifyo ena abelele pano, ifyo ena acita, nangu ifyo alefwaya, nangu icintu cimo. Lyena kuti Nalanda cena no kusosa cena, kabili lyena cili kuli ena.

³⁷⁰ Nomba mwatila, “Munyina Branham, bushe kuti wa mundapa?” Iyo, iyo. Ine tekuti ncite ico. Ena alicicita kale. Ku filaso Fyakwe eko twaundapilwe.

³⁷¹ Lelo cilya cilifye ukwimya icicetekelo cakwe, ukuleka ena ukwishiba, ukutila, nga Ena alishiba ifyo ena aba kabili

ne fyo alefwaya, Alishiba—Alishiba ifyakucipela kabili fintu akaba panuma. Bushe ico nacilungama? Nomba, umuntu onse acetekela ico?

³⁷² Nomba beni abakatina saana. Kabili imwe mwe bantu uko kunse nomba, mwebashikwete ifitupa fyakupepelwapo, mupepe.

³⁷³ Nomba, ibukisheni, Yesu apitile mwibumba ubushiku bumo, kabili umwanakashi umunono akumishe ilaya Lyakwe. Kabili Alipilibwike, atile, “Nani Wankumya?” Kabili Aloleshe pa lukuta lonse mpaka Amusangile, no kumweba ukutila alikwete ubwafya bwa kusuma umulopa. Kabili umulopa wakwe waiminine pali ilya nshita. Mwamona?

³⁷⁴ Nomba, Baibele itila ukuti Ena nomba ni “Shimapepo Mukalamba uyo uwinga kumishiwa ne myumfwile ya bunasha bwesu.” Bushe ico nacilungama?

³⁷⁵ Ndelolesha kunse kuno pali Munyina Way, uwikele apa no mukashi wakwe. Ili line fye ulyo mwaume aliminine kuno ilyo Naleshimikila, ngefyofye Paulo aleshimikila ubushiku bonse ubushiku bumo, kabili uyu umuntu aponene nokufwa mulya mwine mwibumba. Kabili Mupashi wa Mushilo amuletele ukumubwesha ku mweo nakabili. Ena ni nte, mwamona, ukutila, “Yesu Kristu aba cimo cine mailo, ileelo, no muyayaya.”

³⁷⁶ Ni banga abashamonapo Munyina Way, kabili kuti mwatemwa ukumumona; imyeni amaboko yenu, abashatalile ukumumona. Munyina Way, kuti waimininako? Uyu apa e muntu, aponene nokufwa mupepifye na apo eminine nomba. Uyu apa umukashi wakwe, nashi uwaishibisha, naiminina palya pene. Ena takwete ukutunta kwa mutima, ukuya; amenso yakwe yalipilibwike, kabili ena ali uwafita pa cinso cakwe; ubusanso bwa mutima.

³⁷⁷ Dokota alimwebele ukutila alikwete ubwafya bwa mutima. Ilyo ico tacilacitika, Nalicisangile cena pakulingulula, tapapitile inshita iitali, kabili nokumweba ukutila alikwete ubwafya bwa mutima. Elyo kabili, pamuku fye umu, umutima wakwe walilekele, kabili aponene. Kabili ali palya, nalambalala, naya umupwilapo.

³⁷⁸ Ico cili mupepi na mutanda nangu imiku cine konse konse iyo Ine namona Shikulu Yesu ukubweshwa abafwa. Nali Mumwene ukucicita, kabili Ena kuti acicita muno bushiku.

³⁷⁹ Nomba Nabika umupashi onse, muno, mu butungulushi bwandi, ku bukata bwakwa Lesa, mwi Shina lyakwa Yesu Kristu. Beni abakatina. Moneni.

³⁸⁰ Ndefwaya ukulanda kuli iwe, namayo. Ine nacilashimikila, mwamona. Kabili ukwikata fye umupashi obe, ico ecofye Ndecita. Mwamona?

³⁸¹ Kuliko icintu cimo muli iwe, umweo, ngateifyo iwe tekuti wiminine apo; iwe kuti wabafye mumibele, ukuba uwafwa,

kabili iwe tekuti ukwate umweo muli iwe. Lelo, pakuba ukutila muli umweo muli ulyo mubili, ulakutungulula. Mwamona? Kabili nomba na matontonkanyo yenu ne fyo muletontonkanya, ifyebo ifyo mulanda, ne fintu fyonse, ni cilya ico mwikalilako. Mwamona? Ifyo efyo mwaba, ifyebo fyenu, amatontonkanyo yenu, kabili nafyonse fintu mwaba.

Nomba, ifwe tuli, ifwe tuli pano, abacetekela. Nomba Mupashi wa Mushilo . . .

Nga fintu Yesu aebele umwanakashi ukutila, “Ndetelako Ine ayakunwa.”

³⁸² Kabili, lintu ena aletele, ena atile, “Mulandu nshi, Iwe, Taufwile wanjipusha palwa ico. Ine ndi—Ine ndi mwina Samaliya. Iwe uli . . . Iwe uli mu Yuda. Ifwe tatwakwata intambi kuli umo no munankwe, takuli—takuli inshila, amashiwi kuli umo no munankwe.”

³⁸³ Nomba, lelo, mucine, ifwe bonse babili tuli bena Fyalo. Kabili natwiminina pano ukucetekela fye pali Lesa. Nomba, ngo Mupashi Wakwe waisa ukupitila muli ine ku cabupe, kabili kuti akweba cinshi; ico wishibe nga cena cintu calungama nangu iyo, pantu iwe walikala cilye ciputulwa ca bumi. Kanshi, lyena naukwata icabupe, ukucetekela cena. Kabili nga walacetekela cena, kabili Ena ali no kukweba palwa cena, lyena cena ninshi capwa. Kabili cili no kubomba pali cila umo muno. Nomba, cila muntu na katina nganshi.

³⁸⁴ Kabili namayo alelwala necintu cimo icilubene nomukolomino wakwe. Bwena bulwele bwa mukulomino. Nga ico nacilungama, imya ukuboko kobe. Nomba, Nshatala mumonapo mu bumi bwandi. Ico nacilungama. Ico eco abelele pano, ukutila ningamupepelako pa mukolomino wakwe.

³⁸⁵ Nomba, lilya line, lilya line fye ilyo Nacilanda ico, nangu lintu fye tacilati, ena ali . . . Ena acishiba ukutila kwaciba Icintu cimo mupepi nankwe. Icintu cimo cacisa mupepi nankwe, lilya line. Imwe kuti mwamona ifya kumfwa umfwa pali ena, imyumfwile iisuma nganshi, kwati, naumwa.

³⁸⁶ Lulya u Lubuuto ulo mumona mu cikope. Nipesa uli, George? Lulyo Lubuuto ulwali mu cikope, lulepelela pa mwanakashi, ino ine nshita. Mwamona, wena mulu umbi. Ena untu wacetekela, tewaipanga ukucetekela. Ena untu wacetekela.

³⁸⁷ Nomba, ukuba ukutila iwe uli uwacetekela, ulencetekela ukuba umubomfi Wakwe na kasesema? Ulingile ukuba, ukwishiba cilya. [Nkashi atila, “Ee, mukwai.”—Kale.] Bushe ulecetekela Ena kuti akweba ifintu fimbi ifili pa mutima obe? [“Ee, mukwai.”] Cisuma.

³⁸⁸ Pali cimo icili pamutima obe. Cena muntu umo untu ulepepelako; umwana. Ulecetekela Ena kuti anjeba ico cili icalubana na kena? Kena kalikwata akashishi kabulwele. Bushe

ico nacilungama? [Nkashi atila, “Ico nacilungama. Ee.”—Kale.] Bushe ulecetekela Lesa kuti anjeba ishina lyobe? [“Ee, mukwai.”] Niwe Misisi Walker. [“Cisuma.”] Iwe taufumine kuno. [“Iyo.”] Iwe ufumine ku Masamba. [“Cisuma.”] Georgia. [“Cisuma.”] Iwe uleya ku ng’anda, umutuntulu. Yesu Kristu nakundapa iwe no mwana obe. Wisakamana palwa cena. Cena nacipwa. Lesa akupale, nkashi.

³⁸⁹ Uli shani? Nomba uyu apa umwanakashi umbi. Nshamwishiba, nshatala mumonapo. Mwanakashi fye uwiminine palya. Nomba lolesheni, Ninshimikila, pamo, ukutula limbi 8 koloko, kabili yaba teni koloko nomba. Ico icili ama ora yabili apo Mbelele pano. Kulya ukulingula kumo kwacinasha ukucila pali yalya ama ora yabili ayakushimikila. Mwamona? Ico cili . . . Mwamona?

Mwatila, “Iwe ulepilebula ukulanda ico?” Oh, ee.

³⁹⁰ Ulyo mwanakashi uwakumishe insalu ye laya Lyakwe. Atile, “Nimona ukutula amaka na yafuma muli Ine,” amaka. Bushe ico cishinka? Filya efyo cicita.

Nomba, uyu mwanakashi uo Nshatala monapo.

³⁹¹ Billy aciya kulya, nga cakuti namumona icintu cimo, kabili aimya ulya mulumendo untu ifwe tukwete pano pamo naifwe, George. Ena mulumendo waku Baptisti. Ndefwaya ena amone ukuti ico tulelandapo ni Lesa. Wishi wakwe aba, ulupwa, bantu abasuma. Bena baba mu Mexico, ni minshoni, umuntu umusuma. Kabili wishi nalwala, pamo. Ndelolelafye ena ukwisa. Nomba lolesheni fye mupepi, George.

³⁹² Nomba, uyu na mayo, Nsha—Nsha—Nshamwishiba. Ine—Ine nshatala mumonapo. Ndemona tuli beni kuli umo no munankwe. [Nkashi atila, “Ico cishinka.”—Kale.] Tatwaishibana umo no munankwe.

³⁹³ Lelo nomba, Mupashi wa Mushilo, ubusuma bwakwa Yesu ukubapo, ifwe bonse tulepela ubunte pali ico. Nomba nga cakutula Shikulu Yesu asokolola kuli ine icintu cimo palwa iwe . . .

³⁹⁴ Nomba, nga kuti Nakuposha, kuti Nacicita, lelo tekuti Ncite ifyo Ena acita kale. Icintu fye cimo, nga cakutula Aliminine pano muno bushiku neyi insuti nafwala, iyo Ampele, ukuba, nomba, Ena—Ena tekuti akundape, pantu Ena alicicita kale. “Ku filaso Fyakwe twalyundepwe.” Mwamona? Lelo icintu fye cimo ico Ena enga cita, ku kuilangisha Umwine ukupitila mu Cebo ico Ena alaile, no kumulenga imwe ukumona ukutula Ena aba cimo cine mailo, ileelo, no muyayaya. Kabili Ena alilaile ukucicita.

³⁹⁵ Nomba nga Alambomfya ukukweba ico ubelele pano, bushe kuti wabomfya icicetekelo ico wakwata, muli Ena, ukucetekela ukuti naupokelela ico wakwata . . . ico wishile pano? No mutima

obe onse? [Nkashi atila, “Ee, nalacita.”—Kale.] Cisuma, lekeni Shikulu apele cena.

³⁹⁶ Nimona namayo nakwata icintu cimo icilubene. Ukupima kulelanga ukutila lufumo ulwa—ulwa lepuka. Ico nacilungama. Cena e cine, ee, mukwai, ulufumo ulwalepuka. Bushe ulecetekela ukutila Lesa kuti aundapa kulya ukulepuka? [Nkashi atila, “Ee, mukwai. Ndecetekela na fyonse eflyo Ninga cetekela.”—Kale.] Iwe, iwe onse—iwe. . . [“Na fyonse ifyo Ningacetekela.”] Lesa akupale.

³⁹⁷ Nomba, iwe tauli wakuno. Cacibafye lilambo iline line ukwisa kuno. [Nkashi atila, “Ee, lyena eflyo lyaciba.”—Kale.] Lyena lyali. Ee. Ee. Iwe ufumine ku Tennessee. Ico nacilungama. Misisi Hart. Bwelelamo; witwishika. Uli nokundapwa, nga kuti wacetekela.

³⁹⁸ Uli shani, namayo? Tuli beni kuli umu no munankwe. Nshatala nkumonapo mu mweo wandi, ngeflyo ningeshibapo. Limbi nalikumonapo, kumo mukulongana, naiwe limbi walimonapo, lelo Nshakwishiba iwe. Lesa alikwishiba. Bushe ulecetekela muli ine ukuba umubomfi Wakwe, kabili ne Cebo ico Nshimikila ukuba ica Cine? Cisuma, ukuba ukutila Ndi mweni kuli iwe; kabili i Cebo, ico Nshimikile, cena naucicetekela.

³⁹⁹ Icintu fye cimo, ni ci, bamo muli bena bacikupela icitupa; limbi umu uwa bakafwilisha, nangu umwana wandi, nangu umuntu umu acikupela icitupa. Inambala yobe yacipundwa, kabili uli pano. Ifyo e fyonse Njishibe.

⁴⁰⁰ Lelo iwe uli pano, ulecula ukufuma ku mibele ya mwenso. Cena cilakusakamika ububi. Iwe naukwata umuntu umu pamo naiwe. Naukwata umuntu umu untu ulepepelako. Ena mu. . . Ena mulume obe. Kabili alikwata ubwafya bwa kumupashi ubo afilwafye ukupwisha. Kabili naukwata umwana uyo uuli umulwele, pamo. Iwe tawikala kuno, lelo iwe ufumine ku Kapinda ka kukulyo. Iwe ufumine ku Canada, ukufuma ku Alberta. Ico nacilungama. Ulencetekela ukuba kasesema wakwa Lesa, no kucetekela ukutila ifyo Ndekweba e Cine, kabiye ku ng’anda kabili walapokelela ico wakwata. Ee. Cetekela. Lesa akupale, namayo.

⁴⁰¹ Ndi mweni kuli iwe. Iwe uli mweni kuli ine. Nshakwishiba. Lelo Lesa alikwishiba. Ulencetekela ukuba umubomfi Wakwe? [Nkashi atila, “Ee, Ndecita.”—Kale.] No mutima obe onse? Nshakwishiba iwe, nangu cimo pali iwe. Nga cakutila Ine kuti nakundapa iwe, Ine kuti nacita ico, lelo Ine—Ine tekuti. Nshili kondapa. Ndi muntufye. Lelo Ena ni Lesa. Nimfulunganakafye panono, pantu pali umwanashi uwacikalamba uwiminine pakati kobe naine. Muntu umu untu ulepepelako. Ee. Ni noko obe. Kabili alacula no—no kubutukisha kwa mulopa. Kabili iwe naukwata u—ubulwele bwamfyo. Ico nacilungama. Bushe naucetekela ico? [“Ee, Nincetekela.”]

402 Ba noko tabali muno. Lelo ilyo waya kuli ena, ubule ico icisalu icili mu mukoshi obe, no kucibika pali ba noko, kabili witwishika, kabili ukubutukisha kwa mulopa kwalafuma pali ena, kabili nobulwele bobo bwalapwa. Kabiye, cetekela nomba.

403 Ulecetekela nomba? No mutima obe onse? Nomba, mwamona, Ine ndelolesha ukupita mwibumba, kabili cilemoneka kwatifye—kwatifye kwatampa ukuba fube fube, kwati, kunse kulya.

404 “Ifi fintu ifyo Ncita naimwe mukacita.” Ena alicitapo ifingi muno mwine, muno bushiku, ukucila ifyo Ena...uwa ulya musango, ukucila ifyo Ena acitile mubulendo bonse ubwa mweo. Ico nacilungama.

Nomba, uyu umu namayo pano, namayo umusepela. Nshamwishiba ena, mweni kuli ine. Lelo bushe naucetekela ine ukuba umubomfi Wakwe? [Nkashi atila, “Ee.”—Kale.] Nomba pakashitafye akanono.

405 Umwaume acisa kuli ine, umuntu umu mwi bumba. Nomba pakashita fye. Umuntu umu mwi bumba. Cena cafuma pano ili line; lulya u Lubuuto lwafuma pano. Kabili kwaciba umwaume uwaciminina na Cena, kabili pa cifulo cimo mwi bumba. Mwisakamana; mubefye nokushipa ukusuma.

406 Lekeneni tubwelele nakabili nokumona kumwanakashi. Nomba nga Shikulu Lesa...Ici cili mutanda nangu cine lubali, nangu icintu cimo na cimbi, abo abapita mu mulongo, mukulingulula. Kabili nga Shikulu Yesu ali no kusokolola kuli ine, kuli uyu mwanakashi, conse ico cili icalubana na ena, bushe kuti calenga imwe bonse ukucetekela ne mitima yenu yonse? Bushe kuti wapokelela Kristu pali ico icakwimininapo? Mwamona? Inshita imo cilingile ukushininkisha cena. Imiku itatu cishininkisho. Kabili pali aya amakumi ya makana aya miku, ukwabula nangu cimo ukuba icalubana.

407 Iwe tauli pano palobe we mwine. Iwe uli pano pa mwaume. Kabili Namona ena naikala nomutwe wakwe naukontamikwa. Ena alepepa umushanga, kabili iwe ulepepa ukutula imishanga yalamusha ena. Ico cili...Lekeneni Shikulu Lesa apele iwe icakulomba cobe, nkashi. Kabiye, ulecetekela no mutima obe onse, kabili lekeni ulya ciwa uwa musango afume pa mulume obe, mwi Shina lyakwa Shikulu Yesu.

408 Ubwafya bobo buli munuma yobe. Bushe ulecetekela Lesa alakulenga ukuba umutuntulu? Ulecita? [Nkashi atila, “Ee, Ndecita.”—Kale.] Cisuma. Kabiye, ulande, “Namutotela Imwe, Shikulu.”

409 Nimwishiba uyu mwanakashi, Ndecetekela mwana wakwa Misisi Neece. Bushe ico ta cilungeme? [Nkashi atila, “Ee.”—Kale.] Nacitontonkanya efyo cali. Lesa akupale. Ubwafya bwa numa ubwa kale buli no kukusha nomba kabili kuti waya no kuba umutuntulu.

410 Bushe ulecetekela Lesa kuti aposha ubulwele bwa filundwa no kukulenga ukuba umutuntulu? Kabiye umwebe Ena ukutula ulemucetekela Ena. Cetekelafye no mutima obe onse.

411 Mulishani, mukwai? Bushe mulecetekela Lesa kuti aposha ubwafya bwa mumala no kumulenga ukuba abatuntulu? [Munyina atila, "Ameni."—Kale.] Cisuma, kanshi kabiye, musose, "Natotela Shikulu, Ine—Ine nalaba umutuntulu nombamba." Kabili—kabili imwe muli—imwe muli no kuba abatuntulu.

412 Nabumbi ubwafya bwa filundwa, nokukula, pamo. Ulecetekela ukutula Lesa alakulenga ukuba bwino nga Nabika amaboko pali iwe? [Nkashi atila, "Ena alicita inshita ishing, pamo naiwe, mukubika amaboko yobe pali ine, munyina."—Kale.] Bushe mwacicumfwa ico? Shikulu apale nkashi yandi, no kumupela ukulubulwa kwakwe nakabili muno bushiku. Ameni. Cetekeleni fye Ena.

413 Ubwafya bwa mutima, ubwafya bwa mumala. Bushe ulecetekela Lesa kuti abundapa? Cisuma. Kabiye, mwi Shina lyakwa Shikulu Yesu, leka Akuposhe.

414 Ulishani, we mulumendo? Imibele ya cifuba ukufwasa. Bushe ulecetekela ukutula Lesa kuti aundapa ashima? [Munyina atila, "Ee."—Kale.] Kabiye, cicetekele; Ena ali nokucicita. Cisuma.

415 Ubulwele bwa shuka. Bushe ulecetekela ukutula Lesa kuti aundapa umulopa obe no kukulenga ukuba umutuntulu? Kabiye, umucetekele Ena, kabili Ena ali nokucita ico. Iwe naucetekela ico no mutima obe onse?

416 Nga nga cakutula Ine nshalandilepo nangu cimo kuli iwe; nabikafye amaboko yandi pali iwe; bushe ulecetekela Mupashi wa Mushilo ali muno ukukulenga ukuba umutuntulu? Ulya e musango wakucicitilamo. Isa kuno. Mwi Shina lyakwa Yesu Kristu, lekeni aleya no kundapwa. Ameni.

417 Isa, namayo. Nga Nshalandilepo nangu cimo kuli iwe, bushe ulecetekela Lesa kuti akuposha na bulya ubwacanakashi ubulwe- . . . Iyo, njelelako, Ena nacilanda kale. Twalilila. Lesa akupale. Kabiye, kabiye, ulecetekela, kanshi, ba uwaundapwa.

418 Mulecetekela, mukwai, no mutima wenu onse? Lesa alondapa ubwafya bwa mutima bushe Ena tacita? [Munyina atila, "Ee, mukwai."—Kale.] Alalenga umuntu ukuba umutuntulu. Ndi uwashininkisha Alacita.

419 Ena, Ena ni Lesa. Bushe mulecetekela cilya? Bushe mulecetekela cena no mutima wenu onse? Kwateni icitetekelo muli Lesa!

420 Umwaume umo kuno acicita icintu cimo, ama miniti fye ayanono ayapitapo. Ndefwaya ukusanga cilya. Cena caciba mulopa. Umuntu umo kwati busanso, nangu icintu cimo ico

cacitike. Wena wali—wena walesuma umulopa. Cena cali pa cifulo cimo. Umwaume aciminina pano. Nomba pepeni fye. Ee, efyo cili. Cena muntu ukwikala- . . . Cinshi, ena ni J. T. Parnell. Nalimwishiba umulumendo. Iwe ulesuma umulopa mukati, J.T. Bushe ulecetekela Lesa alakulenga ukuba umutuntulu? Cisuma, calaleka lyena, J. T. Cetekela no mutima obe onse.

421 Na mayo umunono uwikele apa pene, ukulolekesha ukutonta fye, uwikele palya na Munyina Grimsley. Kuliko Ulubuuto kuli ena. Iwe, inteneshi inono iya buta. Maliya, Nshamwishiba, lelo lilya li shina lyobe. Ulecushiwa nobwafya bwaku mupashi, kabili walikwata umwenso icine cine. Cilabeko; cili no kuba fye bwino. Cetekela no mutima obe onse. Kwata icitetekelo muli Lesa. Nga kuti mwacetekela fye.

422 Uyu umwanakashi umunono uwikele kunuma kulya mufipuna fyakunuma, kulya kulubali kunuma uko, ena afuma ku Michigan, alecula no bwafya bwa canakashi. Bushe ulecetekela Lesa alakulenga ukuba umutuntulu? Iwe kuti wakwata ico wipwishepo, kanshi. Ulecetekela cena? Ameni. Imya ukuboko kobe, utile, “Nasumina cena.” Cisuma, iwe kuti waya ku nga’nda no kuba umutuntulu. Nshamwishiba na mayo, lelo Lesa alimwishiba.

423 Nga imwe mwe bali muno pa busanshi? Imwe muli fye umwaume uwalemana, nangu umwaume pa busanshi. Ndi mweni kuli iwe. Nshakwishiba. Lesa alikwishiba. Lelo, Ndesosa nomba, iwe naukupikilwa ne cinshingwa camfwa. Iwe naukwata ipwalonda. Iwe ufumine ukutali nganshi. Iwe ufumine ku Cincinnati, kuno. Ishina lyobe niwe Mista Hawk. Cetekela no mutima obe onse. Nga cakutila iwe waikala palya, ulefwa. Pokelela Yesu Kristu kabili nokundapwa. Wamucetekela Ena? Lyena iminina pamakasa yobe, ukufuma pali ubo ubusanshi, nokupekelela Yesu Kristu.

424 Nibanga muno aba mucetekela Ena, pali ino miniti? Bushe ulecetekela no mutima obe onse? Kanshi lekeni ifwe, cila umo muli imwe, iminineni ino ine nshita. Iminineni. Nomba mu nshila yenu mwebene, umusango mupepelamo, mubike ndupi shenu pa muntu umo upaleme kuli imwe.

425 Alikwisa Nkashi Brown? Ena naikala muno, alecula na cilya. Ubushiku bumbi alintumine pali lamya, kabili ena alifililwe ukwimya amaboko yakwe mu mulu. Nalimwene cali icintu cimo icalubana mu mulopa wakwe. Ilyo Namukumenye ubushiku bumbi. . .Ena nakwata ubulwele bwa shuka. Alikwisa ena? Aciba na Misisi Dauch, akashita akanono akapitapo. Cisuma, Nkashi Brown. Muno bushiku, Ndefwaya iwe ukucetekela no mutima obe onse. Ninjishiba nawishiba icilubene naiwe, lelo Ndefwaya ucetekele. Naufuma mucipatala, ukwisa kuno, mwamona, mukupepelwako. Ndekupepelako nomba. Cetekela. Walaba bwino.

426 Margie, kwata icicetekelo muli Lesa. Cena calaleka nombaline. Cena calapwa. Ena kuti aundapa ubulwele bwa shuka, Ena kuti akundapa kuli ubo ubulwele mwifumo lyobe.

427 Nomba cila umo bikeni indupi shenu pali umo no munankwe, kabili ikatilileni fye amaboko yenu palya pali miniti fye. Bikeni fye indupi shenu pali umo no munankwe, ikatilileni. . . Mwamona, cileya kuli leveni koloko, kabili abengi aba bantu balingile ukwensha ukuya ku Tennessee ne ncende ishapusana pusana.

428 Mucine, Shikulu Lesa nashininkisha. Ni cinshi ico mwacimona, muno bushiku? Bushe mwacimona umuntu nangu bushe mwacimona Yesu, Yesu ukushininkisha i Cebo Cakwe?

429 Utu ututambala utuli pano, ilyo uku ukusubwa kuli pali ine, Ninkwata indupi shandi ukubikwa pali utu tutambala, ukupepa ukutila Lesa Uwamaka yonse. . . Batile, “Bafumishe pamubili wakwa Paulo ututambala, nangu utusalu.”

430 Apa pali balya abafwile, kabili balibushiwa. Pano pali balya abali ma masanso yapa musebo, abatobaulwa, nabapola. Pano pali. . .

431 Nimona Misisi Wilson naiminina pano, ukutila, tapapitile inshita iitali, ena alesuma umulopa kumfwa, na TB, imyaka yapitapo. Uyu ali pano muno bushiku, ba shing’anga taba mupele lelo ama ora fye ukwikala. Uyu naiminina muno bushiku.

432 Ukushinguluka monse, ukupita umu, ifilema, impofu, abalemana, mu ficinga ne fintu fyonse, kulya ukwiminina muno bushiku nge fikombe ifya mweo. Cinshiabela ifi? Yesu Kristu wa mweo, Ena aba cimo cine mailo, ileelo, no muyayaya.

433 Ulyo muntu uwacipela ubunte, pakashita akapitapo, pali ena, kulya lubali, uyo wacikwata cipumputu, uyo uwaikwete yena yonse ilye myaka, ne fintu fyonse, kabili inshita fye imo mukulongana. Kabili cilya cali limbi, mupepi ne myaka amakumi yabili iyapitapo; ena tatala kwatapo ukuponapo ukutula lilya. Ulya ni umo pa makana ikumi.

434 Ena ni kondapa. Ameni. Alondapa. Nomba, tamufwile ukusamwa. Ukubafye, na icicetekelo capala-nga umwana, ukulolesha ukutali ku Kalbale. Isaleni amenso yenu no kulabako ukutila muli muli ino i Hema. Isaleni amenso yenu no kulabako ukutila kuliko umuntu umo uli mupepi na imwe, kabili lolesheni kuli Yesu no kumona.

Lolesheni kuli Yesu nombamba no kuba no mweo;
Calilembwa mu Cebo, alleluya!
Caba fye ukutila ifwe “tuloleshe nokuba no
mweo.”

Oh, lolesha nokuba no mweo, munyinane,
 ukuba no mweo!
 Lolesheni kuli Yesu nombamba nokuba no mweo;
 Calilembwa mu Cebo, alleluya!
 Caba fye ukutila imwe “muloleshe nokuba no
 mweo.”

⁴³⁵ Isaleni amenso yenu ku muntu. Isaleni amenso yenu ku fintu ifimishingulwike. Kabili lolesheni ukupitila mu cicetekelo cenu, kuli Yesu Kristu, kabili ukwishiba, ukutila, “Ena alashilwe pa fya bupulumushi fyenu; mu filaso Fyakwe mwaliposhiwe.”


⁴³⁶ Shikulu Yesu, ilyo aba bantu balepepa, kabili, bena nabakwata indupi shabo pali umo no munankwe. Kabili ifwe tuli... twailuka ukutila natwiminina mu Cinsu ca ba mweo, Yesu Kristu uwabuka, mu musango wa Mupashi wa Mushilo, ukusokolola kuli ifwe inkama sha mu mitima yesu, ukulenga ukwishibikwa kuli ifwe ifya kukabila fyesu, no kutulaya ukutila Ena kuti atupela ifya kukabila fyesu nga kuti twacetekela fye.

⁴³⁷ Abaume na banakashu nababika indupi shabo pali umo no munankwe. Bena balepepa, pantu ifwe tuli bekaishi babiye aba Bufumu bwakwa Lesa. Tuli bamunyina babiye naba nkashi abakwa Yesu Kristu.

⁴³⁸ Kabili, Satana, twaisa kuli iwe mu kushinina kwe Shina lyakwa Shikulu Yesu. Ena e Lupanga. Ena e Umo uyo uputula amalwele. Ena e Umo uyo uputula ukufumyapo ukutwishika. Ena e Kacimfya. Nombamba tule kukonkomesha, mwi Shina lyakwa Yesu Kristu, ukutila fuma muli aba bantu, Satana!

⁴³⁹ I Cebo cakwa Lesa nacilengwa ukumonekela. Cena ukusembulula, ukufumyako ukutwishika, cisenda amalwele, no kuleta ukulubulwa ukwapwililika. Twapepa ukutila Mupashi wa Mushilo alaponena pali aba bantu, no kubapela amaka aya cicetekelo ukucekela ukutila Ukubapo kwakwa Kristu ukwa maka yonse kuli muno nombamba. Peleni cena, Shikulu.

⁴⁴⁰ Ndeebaula ubulwele bonse. Ndeebaula amalwele yonse. Ndeebaula ukukana cetekela konse. Mwi Shina lyakwa Yesu Kristu, lekeni Mupashi wa Mushilo acindike ico Nalanda, no kupita muli cino cikulwa no kulubula umuntu onse mu Kubapo kwa Bulesa.

⁴⁴¹ Imyeniko amaboko yenu nombamba noku Mulumbanya. Nalanda imwe ukuba bwino nokundapwa, mwi Shina lyakwa Yesu Kristu! 

63-1229E Lolesheni Kuli Yesu
Branham Tabernacle
Jeffersonville, Indiana U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti Iya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org